

讀史兵略續編

讀史兵略續編卷十

益陽胡林翼纂

金匱宣懷堂藏板

〔神宗萬曆元年〕方逢時總督宣大山西軍務始逢時與崇古共決大計而貫市之議崇古獨成之逢時後代崇古乃中明約信兩人首尾共濟邊境遂安逢時分巡口北時親行塞外自龍門盤道墩以東至潮水山梁一百餘里形勢聯絡款曰此山天險若修鑿北可達獨石南可援南山誠陵京一藩籬也及赴陽和道得耕出關見邊務修舉欲并遂前計上疏曰獨石在宣府北三面隣敵勢極孤懸懷永與陵寢止限一山所繫尤重其地本相屬而經行之路尙在塞外以故聲援不便若設盤道之險會廷就徑自龍門黑峪以達甯遠經行三十里南山獨石皆可朝發夕至不惟拓地百里亦可漸資屯牧於戰守皆利遂與巡撫吳兌經營修築設兵戍守

龍門盤道故在龍門縣東北邊外靖湖堡山梁在延慶州西北陽和今陽高縣懷永鎮來永南二縣也永南今省入延慶州黑峪在龍門縣南十里甯遠在龍門東北邊外潮水堡舊爲桑顏易馬市口

吳兌釋褐十三年得節鉞前此未有也時俺答初封貢而星都力辛愛陰持兩端以其主土蠻爲患兌有智計操縱馴伏之嘗偵俺答離營微從五騎直趨其營守者愕控弦從騎呵之曰太師來犒軍耳皆拜跪迎導且獻酪兌遍閱廬帳抵暮還市者或潛盜所繫馬兌使人稽察之曰後復盜閉關停市諸部追所奪馬并執其人以謝

〔十二年〕擢劉綎游擊將軍署騰衝守備事綎旬去雲南還自其會莽瑞體以兵服諸番勢遂強數擾邊境江

西人岳鳳者商隴川驍狴多智爲宣撫多士甯詔室士甯妻以妹鳳誘士甯往見瑞體潛與子鳳鳥就殺之并殺其妻子奪金牌印符受瑞體僞命代士甯爲宣撫瑞體死子應襲嗣鳳結耿馬賊罕虔南甸土舍刀落參芒市土舍放正堂與應襲從父猛別弟阿瓦等各率衆兵數十萬攻雷弄蓬達千崖南甸木邦老姚思何諸處殺掠無算邇驍越永昌大理蒙化景東鎮遠沅元江已陷順甯破護遠又令鳳鳥引緬兵夾猛淋指揮吳繼勳等戰死鄧川土官知州何鑑鳳僚婿使使招之鳳鸞應襲當是時車里八百孟養木邦孟良孟密蠻莫皆以兵助賊賊勢益盛黔國公沐昌祚聞警移駐洱海巡撫劉世曾亦移楚雄大徵漢土軍數萬令參政趙睿壁蒙化副使胡心得壁騰衝陸通霄壁趙州僉事楊際熙壁永昌與監軍副使傅寵江忻督參將胡大賓等分道進擊大小十餘戰積級千六百有奇猛別莽參皆殄參將鄧子龍擊斬罕虔於姚關應襲趣鳳東寇姚關北據灣甸芒市會縱至軍軍大振鳳燭乃令妻子及部曲來降梃責令獻金牌印符及蠻莫孟密地乃以送鳳妻子還隴川爲名分兵趨沙木籠山據其險而已馳入隴川境鳳度四面皆兵遂詣軍門降梃復率兵進緬緬將先遁留少兵隴川縱攻之鳳子鳳鳥亦降梃乃擒鳳父子往攻蠻莫乘勝掩擊賊窘縛緬人及象馬來獻蠻莫平遂招撫孟養賊賊將乘象走追獲之復移師圍孟理生擒其魁雲南平

騰衝今隴越州也緬甸在永昌僻外居雲南西南隴川在其東北隴川東孟定又東爲耿馬耿馬南孟連其東車里馬西南八百大甸孟定之南孟良良西曰木邦木邦北接隴川矣隴川西接龍川江虎關外曰孟密其南緬甸其西孟養孟密在北蠻莫居大金沙江東南其東鎮壁關關亦在江南北北關曰緬甸其東北曰孟連其南緬甸其西孟養孟密在北蠻莫居大金沙江東南其東鎮壁關關亦在江南北北關爲南甸南甸千崖南甸曰蠻莫此曰雷弄雷之說也其東南爲芒市芒市東北爲鎮安鎮安東北爲緬甸即思甸

也思何北接永昌其東南繞關繞渡河而東曰樹何其東臨海猛淋在騰越東南并海有
川東鄧川南大理大理東南趙州趙州東南蒙化蒙化東南景東景東南鎮沅鎮沅東元江

〔十九年〕倭酋關白平秀吉聲言明年三月來犯詔兵部申飭海防平秀吉者薩摩州人初隨倭關白信長會
信長爲其下所弑秀吉遂統信長兵自號關白刼降六十餘州朝鮮與日本對馬島相望時有倭夷往來互市
二十年夏五月秀吉遂分渠帥行長清正等率舟師逼釜山鎮潛渡臨時朝鮮承平久兵不習戰畧又酒酒馳
備於島夷作難望風皆潰松棄王城令次子暉攝國事奔平壤已復走義州願內屬七月兵部議令駐劄險要
以待大兵號召通國勸王以圖恢復而是時倭已入王京毀墳墓刼王子陪臣剽府庫八道幾盡沒巨幕且渡
鴨綠江請援之使給繹於道廷詔以朝鮮爲國藩籬在所必爭遣行人薛藩諭畧以興復大義揚言大兵十萬
且至而倭業抵平壤朝鮮君臣益急出避愛州遊擊史儒等率師至平壤戰死副總兵祖承訓統兵渡鴨綠江
援之僅以身免中朝震動以宋應昌爲經略八月倭入鹽德等郡兵部尙書石星計無所出遣人偵探之於
是喜興人沈惟敬應募惟敬者市中無賴也是時秀吉次對馬島分其將行長等守要害爲聲援惟敬至平壤
執禮甚卑行長給曰天朝幸按兵不動我不久當還以大同江爲界平壤以西盡屬朝鮮耳惟敬以聞廷議倭
詐未可信乃趣應昌等進兵而星頗惑於惟敬乃題署遊擊赴軍前且請金行間十二月以李如松爲東征提
督明年正月如松督諸將進戰大捷於平壤行長渡大同江遁還龍山所失黃海平安京畿江源四道並復清
正亦遁還王京如松既勝輕騎趨豐蹄館敗退駐開城事具如松傳初如松督師欲斬惟敬以參軍李應試冒

而止至是敗氣縮而應昌急圖成功倭亦乏食有歸志因而封賞之議起應昌得倭報惟敬許乃令遊擊周宏謨同惟敬往諭倭獻王京返王子如約縱歸倭果於四月棄王城遁時漢江以南千有餘里朝鮮故土復定兵部言宜令王國居守我各鎮兵久疲海外以次撤歸爲便詔可應昌疏稱釜山雖濱海南猶朝鮮境有如倭覘我罷兵突入再犯朝鮮不支前功盡棄今撥兵協守爲第一策卽撤宜少留倭盡歸量留防戍部議留江浙兵五千分屯要害仍諭勝寬練軍實毋恃外援已而沈惟敬歸自釜山同倭使來請款而倭隨犯咸安晉州逼全羅登復漢江以南以王京漢江爲界如松計全羅饒沃南原府尤其咽喉乃命諸將分守要已倭果分犯我師並有斬獲兵部給事中張輔之遼東都御史趙燿皆言款買不可輕受七月倭從釜山移西生浦送回王子陪臣時師久暴露聞撤勢難久羈應昌請留劉綎川兵吳惟忠略尙志等南兵合剿遼兵共萬六千聽綎分布慶尙之大邱月餉五萬兩資之戶兵二部先是發帑給軍費已累百萬廷臣言虛內實外非長策請以所留川兵命綎訓練兵餉令本國自辦於是詔撤惟忠等兵止留綎兵防守諭朝鮮世子臨海君玳居全慶以顧養謙爲經略九月以三都既復疆域再造上表謝恩然時倭猶據釜山也星益一意主款九月兵部主事傅偉芳冒關白大衆已還行長留待知我兵未撤不敢以一矢加遺欲歸報關白捲土重來則風不利正苦冬寒故款亦去不款亦去沈惟敬前於倭營講成安晉州隨陷而欲恃款買來年不攻則速之款者正速之來耳故款亦來不款亦來宜令朝鮮自爲守弔死問孤練兵積粟以圖自強帝以爲然因敕諭略者甚至

慶州日本西面島

名對馬島在日本東北其西北對朝鮮國東南東萊縣南之釜山臨津江在熊川江北其國都西北也平壤在其大同江北於其境爲西北義州更在其北在鴨綠江東岸八道京畿江原道清津至羅慶河忠清咸鏡平安也
愛州在義州東豐德在臨津江北龍山在其國都東南有倉儲處也碧蹄館在其國都西三十里開城縣在豐德東松岳山西鎮江即熊津江也咸安驛爲咸安晉州在全羅東南至陽治全州也咸安南則有原府西生浦在蔚山都南

會朝鮮倭患棘詔如松提督衛遼保定山東諸軍剋期東征弟如柏如梅並率師援剿如松新正功氣益驕與經略宋應昌不相下故事大帥初見督師甲冑庭謁出易冠帶始加禮貌如松用監司謁督撫儀素服側坐而已十二月如松至軍沈惟敬自倭歸言倭酋行長願封請退平壤進西以大同江爲界如松叱惟敬儉邪欲斬之參謀李應試曰藉惟敬給倭封而陰襲之奇計也如松以爲然乃置惟敬於營舊師渡江二十一年正月四日師次肅賓館行長以爲封使將至遣牙將二十人來迎如松檄游擊李甯生縛之倭猝起格鬪僅獲三人餘走還行長大駭復遣所親信小西飛來謁如松慰迨之六月次平壤行長猶以爲封使也此風月樓以待擊倭花衣夾道迎如松分布諸軍抵平壤城諸將巡迓未入彤大霧倭悉登陴拒守是夜襲如柏營擊却之明日如松下令諸軍無割首級攻圍缺東而以倭素易朝鮮軍令副將祖承訓詭爲其裝潛伏西南令遊擊吳惟忠攻進北牡丹嶺而如松親提大軍直抵城下攻其東南倭礮矢如雨軍少卻如松斬先退者以徇募死士援鉤梯直上倭方輟南面朝鮮軍承訓等乃卸裝露甲倭大驚急分兵捍拒如松已督副將楊元等軍自小西門先登如柏等亦從大西門入火器並發煙燄蔽空惟忠中礮傷胸猶奮呼督戰如松馬斃於礮易馬馳墮數躍而

上磨兵益進將士無不一當百遂克之獲首功千二百有奇倭退保鳳月樓夜半行長渡大同江遁還龍山甯
及參將查大受率精卒三千潛伏東江間道復斬級三百六十乘勝逐北十九日如松遂復開城所失黃海平
安京畿江源四道並復舊清正據咸鏡亦遁還王京官軍既連勝有輕敵心二十七日再進師朝鮮人以賊棄
王京告如松信之將輕騎趨碧蹄館距王京三十里猝遇倭圍數重如松督部下鏖戰一金甲倭搏如松急指
揮李有聲殊死救被殺如柏甯等營前夾擊如梅射金甲倭墮馬楊元兵亦至斫重圍入倭乃退官軍喪失甚
多會天久雨騎墮入稻畦中不得逞倭背岳山面漢水聯營城中廣樹飛樓箭礮不絕官軍乃退駐開城二月
既望諜報倭以二十萬衆入寇如松令元軍平壤扼大同江接餉道如柏等軍寶山諸處爲聲援大受軍臨津
留甯承訓軍開城而身自東西調度聞倭將平秀嘉據龍山倉積粟數十萬密令大受率死士從間焚之倭遂
乏食初官軍捷平壤鋒銳甚不復問封夏事及碧蹄敗衄如松氣大索應昌如松急欲休息而倭亦芻糧並絕
且慮平壤之敗有歸志於是惟歛歛饒復行四月十八日倭棄王京遁如松與應昌入城遣兵渡漢江尾倭後
將擊其情露倭步步爲營分番迭休官軍不敢擊倭乃結營釜山爲久留計時兵部尙書石星力主封貢議撤
兵獨留劉綎拒守如松乃以十二月班師如松李成梁長子也肅南館在平壤西北風月樓疑在平壤城南岳山在其國都北寶山在其東北

劉綎授五軍三營參將會朝鮮用師綎請率川兵五千赴援詔以副總兵從征至則倭已棄王京遁還趨尙州
烏嶺嶺互七十里峭壁通一線倭拒險別將查大受祖承訓等間道踰槐山出烏嶺後倭大驚遂移駐釜山浦

繼及承訓等進屯大邱忠州以金羅水兵布釜山海口朝鮮略定未幾倭遣小西飛納款遂犯咸安晉州逼全羅提督李如松急遣李平胡查大受屯南原祖承訓李甯屯咸陽繼屯陝州扼之倭果分犯諸將並有新獲倭乃從釜山移西生浦送王子歸朝鮮帝命撤如松大軍還止留繼及游擊吳惟忠合七千六百人分扼要口

顯子也尙州屬慶尙道鳥嶺在其西北槐山在尙州北釜山在東萊縣東大邱忠州在槐山縣北金羅當作全羅縣全羅道在王京南咸陽在晉州西陝州在晉州北

（二十一年）倭拜反遂煽諸部爲亂拜西部人也嘉靖中得罪其部長父兄皆見殺拜跳脫來降騎勇屢立戰功前督撫王崇古石茂華先後奏加副總兵遂多奇亡命子承恩拜夢妖物入妻施脇而生狼形暴嗜性狠戾拜老承恩襲父爵十九年洮河告警御史周宏禴舉承恩及指揮王文秀拜義子倭雲等巡撫黨擊檄文秀西援拜謁經略鄭洛廟與子承恩從出師擊惡其自薦抑損之拜以故心怨至金城見諸鎮皆出其下比賊退取道塞外還寇騎遇之皆辟易遂有輕中外心擊數裁拜且按承恩罪簪之二十雲文秀亦以他故怨擊會戍卒請衣糧久弗給拜遂賊軍鋒劉東陽許朝作亂二十年二月殺繼及副使石繼芳逼總兵官張維忠縊死雲文秀殺游擊梁琦守備馬承光東陽稱總兵奉拜爲謀主承恩朝爲左右副總兵雲文秀爲左右參將承恩遂陷玉泉營中衛廣武河西望風靡惟文秀徇平虜參將蕭如薰堅守不下賊既取河西四十七堡且渡河復誘河套著力兔宰僧犯平虜花馬池全陝皆震動學曾檄副總兵李昫率遊擊吳顯超靈州別道游擊趙武燦鳴沙州沿河扼賊南渡而自駐花馬池當賊衝昫等渡河賊將多遁去四十七堡皆復惟甯夏鎮城尙爲賊據著力兔

等中外相呼應拜文秀攻趙武於玉泉引著力免攻平虜如燕設伏射殺雲胸救武圍亦解四月胸引兵與故總兵牛秉忠抵鎮城下帝已擢董一奎爲總兵李贛副之已復擢如燕代一奎而以麻貴代贛未至胸等攻城賊於東西二門各出驍騎三千搏戰步卒列火車爲營官軍擊之奪其車百輛追奔入湖賊溺死無算副總兵王通戰尤力家丁高益等乘勝入北門後兵不繼被殺通亦負傷榆林游擊俞尙德戰死翼日朝文秀脇慶王上東城乞暫罷兵諛言願獻首惡會官軍糧盡乃引退休近堡學會日夜趣餉調延綏莊浪蘭靖榆林兵道回達所治舟亦未具乃駐花馬池俟軍至移靈州頃之延綏遊擊姜顯謨都司蕭如燕甘州故總兵張傑及麻貴軍皆至復抵鎮城攻之賊計延綏榆林兵出內虛勾黃台吉妻令其子捨達大從子火落赤土昧緞雷掠洶安邊磚井堡以牽我兵承恩復以間合寇兵伏延漢渠掠糧車二百學會自花馬池還靈州被圍救至而解貴等數攻城不能克賊殺慶王妃燕掠其宮人金帛牛乘忠戰傷右股乃復退師帝用尙書星言賜學會尙方劍督戰會留夏巡撫葉夢熊監軍御史梅國禎諸大將劉承嗣董一奎李如松先後至軍六月復攻城連戰不下夢熊等男兆歸善人竑靖四十年進士由福清知縣入爲戶部主事轉饒甯夏改御史以諫受把漢那吉降貶邵陽丞累遷贛州知府平黃鄉賊遷浙江副使改承平萬曆十七年由山東布政使擢右僉都御史巡撫貴州尋改陝西進右副都御史以請討播力克與經略洛議相左廷議方右洛絀其議不用會播力克東歸洛亦還宣大乃移夢熊甘肅與學會共事夢熊有膽決敢任事會拜反上疏自請討賊帝然之以六月至靈州與學

曾合國禎字克生麻城人少雄傑自喜習騎射舉萬曆十一年進士除固安知縣中官詣國禎請收資於民國
禎憫令民鬻妻以償民夫婦哀痛中官爲毀券權御史會拜反學會師久無功時甯遠伯李成梁方被論廷議
欲遣爲大將未敢決國禎獨疏保之乃遣成梁子如松爲提督將遼東宣大山西諸鎮兵以往而國禎監其軍
遂與如松至甯夏初學會欲招東陽朝令殺拜父子贖罪遣卒葉得新往四人方約同死折得新脛置之獄巡
撫朱正色以賊誘請降而張傑書總甯夏兵故與拜舊遣傑入城招之朝乃昇得新見傑得新大罵賊被殺傑
亦雖不遣而學會以賊求撫爲之請帝切責及是城中百戶姚欽武生張選齡射井城外約內應夜半舉火外
兵不至賊殺其黨五十人欽繼城出來奔當是時賊外以求撫緩兵而陰結寇爲助然糧盡勢且困七月學會
與夢熊國禎定計決黃河大壩水灌之水抵城下時套寇下失免莊禿賴以三萬騎犯定邊小礮池用土昧鐵
雷爲前鋒而別遣宰僧以萬騎從花馬池西沙湃口入爲拜聲援麻貴擊之右溝寇稍挫分趨下馬關及鴨沙
洲學會令游擊龔子敬扼沙湃口而檄延綏總兵官董一元搗土昧鐵雷巢斬首百三十餘級寇大驚引去遇
子敬圍之十屯子敬死寇亦去賊緩遂絕學會益決大壩水八月河決隄壞復繕治之城外水深八九尺東西
城崩百餘丈著力免宰僧復入李剛堡如松貴等擊敗之追奔至賀蘭山賊益懼求款未決會學會得罪罷朝
命以夢熊代夢熊遂成功初學會之遣人招東陽朝也留固原十餘日以俟之帝責其玩寇李胸渡河又稍遲
松山河套寇先入官軍用是再失利學會嘗上疏令監軍無與兵事帝爲飭國禎如其言國禎頗憾之及至軍

勅諸將觀望而頗以玩寇爲學會罪給事中許子偉亦劾學會或於招撫誤國事國禎又言故事隨府從城上躍下賊令四人下取我軍咫尺不敢前又北寇數萬斷我糧道殺戮無算臣不以奏帝遂大怒逮學會至京然學會逮未踰月城壞而大軍入賊竟以破滅夢熊既代學會亦賜尙方劍時調度靈州獨國禎監軍甯夏賊被圍久食盡無援而城受水浸益大崩國禎挾諸將趨南關秉忠先登國禎大呼諸將畢登賊退據大城攻數日不下國禎使間給東賜朝承恩互相殺以降其罪三人內猜疑東賜朝遂先誘殺承恩黨文秀承恩亦與其黨周國柱誘東賜朝殺之盡惡東賜朝文秀首城上開門降如松率兵圍拜家拜倉皇縊罔室自焚死夢熊自靈州馳至下令盡誅拜黨及降人二千慰問宗室士庶甯夏平夢熊正色國禎各上捷奏而倖承恩獻京師帝御門受賀詔磔承恩於市夢熊正色國禎各膺世官如松功第一如黨貴秉忠等加恩有差學會初奪職爲民叙功以原官致仕學會任事勞動濯城招降之策本其所建及宣捷帝召見大學士趙志昂張位志昂位力爲學會解尙書星以下多曰學會無罪國禎亦上疏言學會應變稍緩臣請責諸將以振士氣而逮學會之命發自臣疏竊自悔恨學會不早雪臣將受萬世譏如松亦言學會被逮時三軍雨泣夢熊亦推功學會帝初不聽既而復其官

學拜當作巴拜呼雲當作巴延金城今肅州府玉泉營在南夏西中衛縣廣武在南夏西

南平嶺今平羅縣著力免當作卓哩克圖幸僧當作宰桑花馬池在靈州東學會魏學會也鳴沙

州今中衛縣東南夏東南有巽湖北有金波湖西有觀音湖東北有三塔湖黃台吉卽德辰汗火落赤當作浩

爾齊得井堡在定鴻縣汗延渠在南夏城東南播力克當作德里克卜失免當作布色圖莊灾頗當作章圖里

小鹽池在靈州東南下馬關在南夏西沙溝口在

靈州西北大壩在留良西南李剛堡在平羅縣南

先是諸將董一奎麻貴等數攻城不下如松至攻益力用布礮三萬實以土隄之登爲礮石所却如樟夜攀雲梯上不克游擊劉子敬提苗兵攻南關如松乘勢將登亦不克乃決策水攻拜寤遣養子克力兼往勾套寇如松令部將李甯追斬之已套寇以爲餘騎主張亮堡如松力戰手斬士卒長縋者寇竟敗去水侵北關城崩如松如熊如熊等伴擊北關誘賊而潛以銳師襲南關擊雲梯而上拜及子承恩自斬叛黨劉東陽許朝乞貸死於是如松先登如熊及麻貴劉承嗣等繼之悉滅拜族

啤拜劉東陽據甯夏鎮城反遣其黨四出略地拜子承恩徇玉泉營游擊傅相拒守爲其下所執賊已徇中衛及廣武參將熊國臣等竊城奔列城皆風靡賊黨土文秀徇平虜獨如熊堅守不下如熊妻胡氏故尙書兆女也賢而有智贊夫死守日具牛酒犒士拜養子雲最驍勇引河套著力免急攻如熊伏兵南關佯敗誘賊入射雲死餘衆敗去又襲著力免營獲人畜甚多著力免憤復來攻爲麻貴所却城獲全初帝聞如熊孤城抗賊大厚賚銀幣授官副總兵

如熊舊如豪也

小歹青悔禍款塞請開木市於義州且告朵顏長昂將犯邊已長昂果犯錦義副總兵李如梅擊却之歹青既信化龍遂許其請上疏曰蝦獾皆敵也邇北土蠻種類多不可數近邊者直甯前則長昂直錦義則小歹青直廣甯遼瀋則把免炒花花大直開鐵則伯言煖兔其在東邊海西則猛骨孛羅那林孛羅卜寨皆與遼城頃背相望並牆面臨則刁斗聲相聞蓋肘腋憂也自那卜被剿數年東陲無事去年把免伯言戰死炒花花大一

敗塗地今伯言子宰賽受罰入市廣甯遼海開鐵間警報漸希所未馴伏者惟小歹青與長昂耳小歹青素凶狡雄長諸部西助長昂東助炒花大舉動以萬數小竊則飛騎出沒錦義間自周之望柏朝擊戰歿無朝以一矢加遺遼河上下方數百里野多暴骨民無甯宇遠慮者每以河西不保爲虞今乃叩關求市臣徧詢將領及彼地居民僉言木市開有五利河西無木皆在邊外叛亂以來仰給河東以邊警又不時至故河西木產於五市通則材木不可勝用利一所疑於歹青者無信耳彼重市爲生路當市時必不行掠卽今年市而明年掠我已收今年不掠之利矣利二遼東馬市成祖所開無他資本聽商民與交易木市與馬市等有利於民不費於官利三大舉之害酷而希零竊之害輕而數小歹青不掠錦義零竊少矣又西不助長昂東不助炒花則敵勢漸分卽甯前廣甯患亦漸減且大舉先報又得預爲備利四零竊既希邊人益得修備利五疏入從之化龍尋以病木市亦停止其後總兵官馬林復議開市與巡撫李植相左論久不決小歹青遂復爲寇云

化龍李化龍也

(二十三年)承御卜者順義王俺答從子也部衆強盛先嘗授都督同知再進龍虎將軍自以賈市在宣府守臣過已厚不可違乃隨俺答西迎活佛留據青海與瓦剌他卜並歲爲西甯患嘗誘殺副將李魁邊臣不能報益有輕中國心二十三年九月九日度將士必燕飲擁動騎直入南川屬番偵告雪毳兵要害令番人繞出朵爾峽口外潛扼其背而已提勦卒二千與戰方合伏忽起寇首尾不相顧番人夾擊大敗之雪手賊其帥一人斬首六百八十餘級其走峽外者又爲番人所獲獲駝馬戎器無算爲西甯戰功第一

南川在西甯府西朵爾峽口在北渠水缺也

遠望既勝度寇必復至厚築以待踰月寇果連真相火落赤諸部先圖番刺卜爾察以誘官軍番不能支合於寇寇遂逼西川營督諸軍營康福清寇悉眾圍之矢石如雨雲左右衝擊自辰至申戰數十合寇死傷無算乃以長槍鈎杆專犯西甯軍西甯軍堅不可破寇始遁追奔數十里而還西川康福清營在西甯西北

二十五年日本封事敗起費備倭兵官赴朝鮮已加提督慈統南北諸軍貴馳至王京倭已入慶州據閑山島圖南原守將楊元通全州守將陳應衷亦遁倭乘勢逼王京貴別遣副將解生守稷山朝鮮亦令都體察使李元翼出忠清道遮賊鋒生頗有斬獲功參將彭友德亦破賊青山倭將行長退屯井邑清正還慶州經略邢玠經理楊鶴先後至分兵三協左李如梅右李春芳解生中高策貴與鶴督左右協兵專攻清正策駐宜甯東援兩協西扼行長諸軍至慶州倭悉退屯蔚山如梅誘敗之清正退保島山築三砦自固游擊茅國器率死士拔其砦斬賊六百五十諸軍遂進圍其城城新築以石堅甚將士仰攻多死圍十日倭敗生兵明年正月二日行長來援九將兵俱潰賊張旗幟江上鎬大懼倉皇撤師以捷奏既而敗狀聞帝罷鶴資貴以功贖與劉繼陳璘董一元分四路貴居東當清正數戰有功會平秀吉死官軍益力攻十一月清正先遁貴遂入島山西浦諸路共俘斬二千二百有奇明年二月旋師慶州關慶尙道閑山島在其西南南原在全州東南稷山在忠州西甯即西生浦貴麻貴也

(二十八年)播州楊應龍叛起李化龍節制川湖貴州諸軍事調東征諸將劉綎麻貴陳璘董一元南征時應龍乘大兵未集勒兵犯綦江城中新募兵不滿三千賊兵八萬奄至游擊張夏暨巷戰死綦江陷應龍盡殺城中人投屍蔽江水爲赤益結九股生苗及黑脚苗等爲助屯官場壩窺蜀已遂焚東坡爛橋楚黔路梗二十八年應龍五道並出破龍泉司時總督李化龍已移駐重慶徵兵大集遂以二月十二日督師分八路進每路約三萬人官兵三之土司七之旗鼓甲仗森列苗大驚總兵劉綎破其前鋒楊朝棟僅以身免賊膽落遂連克桑木烏江渡三關奪天都三百落諸國賊連敗乃乘隙突犯烏江詐稱水西隴澄會哨誘永順兵斷橋淹死將卒無算尋繼破九盤入婁山關關爲賊前門萬峰插天中通一線縱從間道攀藤毀柵入陷焉四月朔師屯白石應龍率諸苗決死戰繼親勒騎衝中堅分兩翼夾擊敗之追奔至義馬城連破龍爪海雲險固歷海龍團賊所倚天險謂飛鳥騰猿不能逾者時偏沅師已破青蛇國安疆臣亦奪落濠關至大水田焚桃溪莊賊見勢急父子相抱哭上國死守每路投降文緩師總兵吳廣入崖門關營水牛塘與賊力戰三日却之賊詭令婦人於園上拜表哭云卅氏且降復詐爲應龍仰藥死報廣廣輕信按兵已覘賊詐益厲兵攻燒二關奪賊樵汲路八路師大集海龍國築築長圍更番迭攻賊必死會化龍聞父喪詔以經繼視師化龍念賊前國險不能越令馬孔英率勅兵併力攻其後天苦雨將士馳泥淖中苦戰六月四日天忽驟晴先士卒克土城應龍益迫散金募死士拒戰無功者甲提刀殲盡見四面火光燭天大兵已登國破土城入應龍倉皇同愛妾二閹室縊且自焚吳

廣獲其子朝棟急覓應龍屍出殯中賊平計出師至滅賊百十有四日八路共斬級二萬餘生獲朝棟等百餘

人化龍布以聞獻俘闕下劉應龍屍磔朝棟兆龍等於市播州自唐入楊氏傳三十九世八百餘年至應龍

而亡官場在通義府西北東坡在黃平州東橋橋在施秉縣南龍泉司屬石阡府桑木在綏陽縣東烏江關在西南三渡關在通義府東八十里天都三百落在通義府南烏江上烏江在通義府南八十里水西今黔西

州永順今永順府九盤在大樓山北莫山關在通義北大樓山白石口在莫山關南營馬城在府城北五十里龍水海雲慶國曾在城北三十里山陰處海龍國賊巢也在其上青蛇國在通義府城東落濤關在通義府城

西三十里大水田在關之東桃溪莊在關東北崖門關在通義府城西北水牛城在關南

貴州自楊應龍平後銷兵太多苗仲所在爲寇鶴鳴言仲賊乃粵西徭種流入黔中自貴陽抵鎮人以三萬計

臂以千四百七十計分卽爲民合卽爲盜又有紅苗環銅仁石阡思州思南四郡數幾十萬而鎮遠清平間大

江小江九股諸種皆應龍遺孽衆萬餘臣部卒止萬三千何以禦賊因列上增兵增餉九議鶴鳴張鶴鳴也

(三十年)汪應蛟在天津見葛沽白塘諸田盡爲汙萊詢之土人咸言斥鹵不可耕應蛟念地無水則難得水

則濶若營作水田當必有利乃募民墾田五千畝爲水田者十之四畝收至四五石田利大興及移保定乃上

疏曰天津屯兵四千費餉六萬俱斂諸民間留兵則民告病恤民則軍不給計惟屯田可以足食今荒土連封

蒿萊彌望若開渠置堰規以爲田可七千頃頃得穀三百石近鎮年例可以兼資非獨天津之餉足取給也因

條畫墾田丁夫及稅額多寡以請得旨允行已請廣興水利略言臣境內諸川易水可以溉金臺渾水可以溉

恒山渾水可以溉中山渾水可以溉襄國渾水來自薊下西門豹嘗用之瀛海當諸河下流觀江南海國不異

其他山下之泉地中之水所在而有咸得引以溉田請通渠築防量發軍夫一準南方水田之法行之所部大府可得田數萬頃歲益穀千萬石畿民從此饒給無旱澇之患卽不幸漕河有梗亦可改折於南取糴於北工部尙書楊一魁亟稱其議帝亦報許後卒不能行

葛沽在天津東九十里又東爲郝家沽合沽流入海白塘卽漕河會衛河處在天津北易水金臺今易州澤水恆山今真

定府唐水中山今定州澤水縣國今順德府澤水鄉下今彰德府

熊明遇字良孺進賢人萬曆二十九年進士知長興縣四十三年擢兵科給事中旋掌科事上疏極陳時弊言今春以來天鼓兩震於晉地流星晝隕於清豐地震二十八天火九石首雨殺河內女妖遼東兵端吐火卽春秋二百四十年間未有稠於今日者且山東大祲人相食黃河水稽天兼以太白經天輔星湛沒熒惑月金水逆行或日光無芒日月同暈爲恆風爲枯旱天譴愈深而陛下所行皆經天拂經之事此誠萬慮碎首賈生痛哭之時也敢以八憂五漸三無之說進今內庫太實外庫太虛可憂一餉臣乏餉邊臣開邊可憂二套部國王插部覬賞可憂三黃河泛濫運河膠淤可憂四齊魯荒天楚苦索地可憂五鼎鉉不備棟梁常撓可憂六羣譚盈衡訛言載道可憂七吳民喜亂冠履倒置可憂八八憂未已五漸繼之太阿之柄漸入中涓魁壘之人漸加順繩制科之法漸成奸黠武庫之器漸見銷亡商旅之途漸至梗塞五漸未已三無繼之匹夫可獎惑天子小校可濫邀綵綸是朝廷無紀綱漢祚之守令皆途窮揚粵之監司多規避是連方無吏治讎讐之口甚於戈戟傾危之禍慘於蘇張是士大夫無人心天下事可不寒心哉帝不省

（肅宗天啟元年）李樸大疏乞休天啟元年始得請以王三晉代而晉崇明已反重慶阿遵義貴陽大震糧道留視事時城中兵不及三千倉庫空虛樵與巡按御史史永安貸雲南湖廣銀四萬有奇募兵四千備米二萬石拾戰守具而急遣總兵官張彥方都司許成名黃運清監軍副使朱芹提學政事劉錫元等援四川屢捷遂復遵義綏陽播州真安桐梓二年二月成傳崇明陷成都邦彥遂挾安位反自稱羅甸王四十八支及他部頭目安邦俊陳其愚等繼起相應為撤土目安效良亦與通邦彥首義畢節都司楊明廷敗歿賊遂分兵攻安順平棚效良亦西陷霑益而邦彥自統水西軍及羅鬼苗仲敷萬東渡陸廣河直趨貴陽別遣王倫等下懷安襲偏橋以斷援兵洪邊土司宋萬化糾苗仲九股陷龍里樸永安聞變亟檄城守會蔣泉守令咸入觀而彥方鎮銅仁運清駐遵義城中文武無幾人乃分兵為五令錫元及參議邵應禎都司劉瑄言故副總兵劉岳分據四門樸自當北門之衝永安居臨樓臨街市兵防內變學官及諸生亦督民兵分據守賊至盡銳攻北城樸迎戰敗之轉攻東門為錫元所却乃日夕分番馳突以疲官兵為三丈樓臨城用婦人雞犬厭勝而樸永安烹雞雜斗米飯投飼雞犬而張虎豹皮於城樓以蔽之乃得施礮石夜縋死士燒其樓賊又作竹籠盈餘土壘之高踰睥睨永安急撤大寺鐘樓建城上賊棄籠去官軍出燒之數出城邀賊稍賊怒悉發城外塚徧燒村砦又先後攻陷順州暫定威清普安安南諸衛貴陽西數千里盡為賊據初被圍彥方運清來救敗賊於新添賊誘入龍里二將皆敗乃縋之入城曰使耗汝糧城中果大困川貴總督張我續巡撫王三晉擁兵不進樸永安連疏告

急請督責之會彥方等出戰賴得利賊退保澤溪乃遣裨將商士傑等率九千人分控咸清新添二衛且乞援兵賊謂城必拔沿山列營柵隔內外間旬日一來攻輒敗去副總兵徐時逢參將范仲仁赴援遇賊壘城河仲仁戰不利時逢擁兵不救遂大敗諸將馬一龍白自強等職焉援遂絕賊照三營將進兵益日夜攻擊長梯蟻附城幾陷者數矣橋礮臂一呼士卒雖委頓皆強起斫賊賊皆顛踣死城下王三營屢被廢旨乃率師破重圍而進十二月七日抵貴陽城下圍始解檣乃辭兵事解官去

安位署崇明女弟社輝子也安順今安順府平壩在貴陽西北洪邊在貴陽北十里龍里在貴陽東五十里廣州衛舊作貴州舊定屬貴州府舊安今爲州安南縣屬南

龍府屬清今清鎮縣新添在龍里縣東南澤溪在貴陽西二里餘見下

王三營代李彬巡撫貴州時奢崇明已陷重慶明年二月安邦彥亦反圍貴陽檣及巡按御史史永安連章告急趙三營馳援三營始駐沅州調集兵食已次鎮遠再次平越去貴陽百八十里方遣知府朱家民乞兵四川兵未至不敢進疏請便宜從事給空名部牒得隨才委任帝報可至十二月朔知貴陽圍益困集衆計曰失城死法進援死敵等死耳盡死敵乎乃分兵爲三副使何天麟等從清水江進爲右部敗事楊世實等從都勻進爲左部自將二萬人與參議向日升副總兵劉超參將楊明楷劉志敏孫元讓王建中等由中路當賊鋒舟次新安抵龍頭營超前鋒遇賊衆欲退斬二人乃定賊酋阿成騎勇超率步卒張良俊直前斬其頭賊衆披靡三營等大軍亦至遂奪龍里城諸將議駐師觀變三營不可策馬先邦彥疑三營有衆數十萬乃潛遁餘賊退屯龍洞官軍遂奪七里冲進兵畢節鋪元模明楷連敗賊其渠安邦俊中敵死生獲邦彥弟阿倫遂抵貴陽城下

賊將圖去樁永安請三善入城三善曰賊兵不遠我不可即安營於南門外明日破賊澤溪賊走渡陸廣河居數日左右二部兵及湖廣廣西四川援兵先後至三善以二萬人破賊十萬有輕敵心欲因糧於敵舉趨爲總兵官令渡陸廣趨大方揭安位巢以世賞監之總兵官張彥方渡鴨池搗邦彥巢以天麟監之漢土兵各三萬別將都司練補裘出黃沙渡尅期並進超等至陸廣連戰皆捷彥方部將秦民屏亦破賊五大寨諸將益輕敵邦彥先合崇明效良兵誘官軍深入三月正月超渡陸廣賊薄之獨山土官蒙詔先遣官軍大敗爭渡河超走免明榜被執諸將姚旺等二十六人殲焉賊遂攻破鴨池宣部將覃宏化先逃諸營盡潰彥方退保威清惟補裘軍獨全諸苗見王師失利復繼起土酋何中尉進據龍里而邦彥使李阿二圍青巖斷定番鎮道令宋萬化與楚漢爲左右翼自將趨貴陽遠近大震三善急遣游擊祁繼祖等取龍里王建中劉志敏救青巖繼祖燭上中下三牌及賊百五十營建中亦燭賊四十八莊龍里定番路皆通三善又夜遣建中繼祖搗楚漢八姑蕩燭莊營二百餘薄而攻之賊溺死無算萬化不知楚漢敗詐降三善佯許而令諸將搗甲趨之萬化倉皇出戰被萬邦彥爲奪氣羣苗復效順三善給黃輓令樹營中邦彥望見不敢出增兵守鴨池陸廣諸要害時崇明父子屢敗邦彥救之爲川師敗走總理魯欽等剿禽中尉彥方亦追賊鴨池而賊復乘間陷普安總督楊述中駐沅州畏賊朝命屢趣始移鎮連議與三善左三善屢求退不許會崇明爲川師所窘逃入貴州龍場依邦彥三善議會師進討述中暨諸將多持不可三善排羣議以閏十月自將大萬人渡烏江次黑石連敗賊斬前逃將覃

宏化以徇賊乃柵漆山日遺遊騎掠樵採者軍中乏食諸將請退師三善怒曰汝曹欲退不如斬吾首詣賊降諸將乃不敢言三善募壯士逼漆山緋衣峨冠肩輿張蓋自督陣語將士曰戰不捷此卽吾致身處也旁一山頗峻摩左軍據其巔賊倉皇拔柵爭山將士殊死戰賊大敗邦彥狼狽走三善渡渭河降者相繼師抵大方入居安位第位偕母奢社輝走火灼堡邦彥竄織金先所隔將楊明楷乃得還位窘遣使詣述中請降述中令縛崇明父子自贖三善責並獻邦彥往返之間賊得用計爲備三善以賊方平議郡縣其地諸苗及土司咸懼恐益合於邦彥三善先約四川總兵官李維新城賊以餉乏辭三善屯大方久食盡述中弗爲援不得已議退師四年正月盡焚大方廬舍而東賊躡之中軍參將王建中副總兵秦民屏戰歿官軍行且戰至內莊後軍爲賊所斷三善還救士卒多奔陳其愚者賊心腹先詐降三善信之與籌兵事故軍中虛實賊無不知至是遇賊其愚故縱轡衝三善墜馬三善知有變急解印綬付家人拔刀自刎不死羣賊擁之去罵不屈遂遇害清水江在北新安龍頭營在龍里縣東龍洞河在貴陽南七里神在貴陽東畢節鎮在貴陽府北黃河渡在貴陽府西北獨山在黔西州東南普安在貴陽府南定番今爲州在貴陽府南八姑蕩在貴陽西北黑石在大定東南傍漆山在其西北渭河在黔西州北火灼在渭河濱織金關在平遠州東內莊在平遠北陸廣河在貴陽西北百二十里江外皆苗境

大方之役御史貴陽徐卿伯上言邦彥招四方奸宄多狡計撫臣得勝驟進視疆苗不足平不知潯溪以西渡陸廣河皆烏道深林叢菁彼誘我深入以木石塞路斷其郵書阻餉道遮援師則彼不勞一卒不費一矢而我兵已坐困矣後悉如其言

(二年)趙彥巡撫山東遼陽既失彥請增兵戍諸島特設大將登州登萊設鎮自此始天啟二年廢甯復失彥以山東南北咽喉列上八事詔多允行先是衛州人王森得妖狐異香倡白蓮教自稱聞香教主其徒有大小傳頭及會主諸號蔓延畿輔山東山西河南陝西四川森居灤州石佛莊其徒黨輸金錢構朝貢飛報機事一旦數百里萬應二十三年有司捕繫森論死用賄得釋乃入京師結外戚中官行教自如後森徒李國用別立教用符咒召鬼兩教相仇事盡露四十二年森復爲有司所擗越五歲斃於獄其子好賢及鉅野徐鴻儒武邑于宏志輩踵其教徒黨益衆至是好賢見遼東盡失四方奸民思逞與鴻儒等約是年中秋並起兵會謀洩鴻儒遂先期反自號中興福烈帝稱大成興勝元年用紅巾爲識五月戊申陷鄆城俄陷鄆滕嶧衆至數萬時承平久郡縣無守備山東故不置重兵彥在都司楊國棟檄而檄所部練民兵增諸要地守卒請留京操班軍及廣東援遼軍以備征調薦起故大同總兵官楊肇基爲山東總兵官討賊賊乘肇基未至襲兗州爲滋陽知縣楊炳所卻棟等擊敗賊復鄆城其別部犯鉅野知縣趙廷慶固守不下國棟兵至敗之又敗其犯兗州者遂借棟等合攻鄆縣兵潰遊擊張榜戰死賊遂圍曲阜郕城旋敗去遂復嶧縣七月彥視師兗州甫出城遇賊萬餘彥縋入城肇基急迎戰而令國棟及棟夾擊大敗之橫河時賊精銳聚鄆滕中道彥欲攻鄆滕副使徐從治曰攻鄆滕難下不如擄其中堅兩城可圖也彥乃與肇基令遊兵綴賊鄆城而以大軍擊賊精銳於黃陰紀王城大敗賊感而殄之嶧山遂圖鄆大小數十戰城未下今天津僉事來斯行及國棟等乘間復滕縣國棟又

大破賊沙河乃築長圍以攻鵠鵠抗守三月食盡賊黨盡出降鵠鵠單騎走被禽撫其眾四萬七千餘人彥乃紀績告廟獻俘磔鵠儒於市鵠鵠山東二十年徒黨不下二百萬至是始伏誅于宏志亦於四年六月據武昌白家屯將取景州鵠鵠儒斯行方赴援山東遣軍討之宏志突圍走爲諸生葉廷珍所獲凡舉事七日而滅好賢亦捕得伏誅

橫河未詳疑與黃陰紀王城者在鄒縣嶧三縣間嶧山在鄒縣東南南沙河卽薛水在滕縣白家屯疑在武邑南景州之東北

解學龍通曉政務上言遼左額兵舊九萬四千有奇歲餉四十餘萬今關上兵止十餘萬月餉乃二十二萬遼兵盡潰關門宜募新兵餉額舊有額兵乃亦給厚糈召募舊兵以其餉厚悉竄入新營而舊額又如故漏卮可勝言國初文職五千四百有奇武職二萬八千有奇神祖時文增至一萬六千餘武增至八萬二千餘矣今不知又增幾倍誠度冗者汰之歲可得餉數十萬裁冗吏核曠卒俸衛所應襲子弟襲職而不給俸又可得數十萬京邊米一石民輸則非一石也以民之費與國之收衷之國之一民之三關餉一斛銀四錢以易錢則好米值錢百張米止三四十錢又其下腐臭不可食以國之費與兵之食衷之兵之一國之三總之民費其六而兵食其一況小民作奸欺漕卒漕卒欺官司官司欺天子屢轉相欺米已化爲糠粃沙土兼濕熱蒸變食不可咽是又化有用之六爲無用之一矣臣以爲莫如修屯政屯政修則地闢而民有樂土粟積而人有固志昔吳璠守天水縱橫鑿渠綿亙不絕名曰地網敵騎不能逞今倣其制溝隄之界各樹土所宜木小可獲薪果之饒大可得抗拒之利敵雖強何施乎帝亟下所司而議寬中格

〔五年〕傳宗龍乃條上屯守策言蜀以屯爲守黔則當以守爲屯蓋安會土地半在水外犄犄龍仲蔡苗諸雜糧緩急與相助賊有外藩我無邊敵黔兵所以分力愈拙臣請以守爲屯者先發兵據河奪賊所恃然後撫剿諸糧隨渡口大小置大小寨深溝高壘烽墩礮臺小渡則塞以木石使一粟不入水內一賊不出水外賊無如何又令沿河兵營水戰當賊耕耨時頻出奇兵渡河擾之賊不敢附河而居而後我可以議屯也屯之策有二一曰清衛所原田一曰創逆賊故壤而以衛所之法行之蓋黔不患無田患無人客兵聚散無常不能久駐莫若倣祖制盡舉屯田以授有功因功大小爲官高下自指揮至總小旗畀以應得田爲世業而禁其私賣買不得招徠戶口自實臣所謂以守爲屯者如此然兵當用四萬八千人餉當歲八十餘萬時當閱三年如此而後賊可盡滅也部議從之

〔莊烈帝崇禎元年〕王師討安邦彥久無功羽健言賊巢在大方黔其前門蜀遵永其後戶由黔進兵必渡陸廣奇險七晝夜抵大方一夫當關千人自廢王三晉蔡復一所以屢敗也遵義距大方三百程而畢節止百餘里平衍從此進兵何患不克因畫上足兵持餉方略并薦蔣總督朱燮元閔夢得等帝卽讓行後果平賊

羽健也

莊烈帝承神宗之後神宗怠荒棄政肅宗暱近閹人元氣盡漸國脈垂絕向使肅宗御宇復延數載則天下之亡不再傳矣莊烈之繼統也臣寮之薄局已成草野之物力已耗國家之法令已壞邊疆之搶攘已甚莊烈雖

銳意更始治核名實而人才之賢否譔論之是非政事之得失軍機之成敗未能灼見於中不攝於外也且性多疑而任察好剛而尙氣任察則苛刻寡恩尙氣則急遽失措當夫羣盜滿山四方鼎沸而委政柄者非庸卽佞剿撫兩端茫無成算內外大臣救過不給人悅規利自全之心言語慙直切中事弊者率皆摧折以去其所任爲闡帥者事權中制功過莫償敗一方卽戮一將墮一城卽殺一吏賞罰太明而至於不能制馭過嚴而至於不能制加以天災流行饑饉洊臻政諸賦重外訐內叛譬一人之身元氣羸然疽毒並發厥症固已甚危而醫則夏否錯進劑則寒熱互投病入膏肓而無可救不亡何待哉是故明之亡亡於流賊而其致亡之本不在於流賊也崇禎元年陝西大饑延綏缺餉固原兵剗州庫白水賊王二府谷賊王嘉允宜州賊王左掛飛山虎大紅狼等一時並起有安塞馬賊高迎祥者自成劉也與饑民王大梁聚衆應之迎祥自稱闖王大梁自稱大梁王

永甯奢崇明反蜀王要璽元治軍永甯古蘭州地奢民保獵種也洪武時歸附世爲宣撫使傳至崇周無子崇明以疏屬襲外恭內陰鷲子寅尤驍桀好亂時詔給事中明時舉御史李達徵川兵援遼崇明父子請行先遣土目樊龍樊虎以兵詣重慶巡撫徐可求汰其老弱餉復不繼龍等遂反殺可求及參政孫好古總兵官黃守魁等時舉達負傷遁時九月十有七日也賊遂據重慶播州遵寧及諸亡命奸人蠭起應之賊黨符國禎襲陷遵寧列城多不守崇明僞號設丞相五府等官統所部及徵雜蠻數萬分道趨成都陷新都內江熾據木枰

龍泉諸隘口指揮周邦太降冉世洪雷安世盟英戰死成都兵止二千餉又絀璽元檄徵石往羅綱龍安松茂
諸道兵入援斂二百里內粟入城備巡按御史薛敷政右布政使周藩按察使林宰等分陣守賊陣革裹竹牌
鈎梯附城壘土山上架蓬幕伏弩射城中璽元用火器擊却之又遣人決都江堰水注濠賊治橋得少息因斬
城中遇賊者二百人賊失內應賊四面立望樓高與城齊璽元命死士突出擊斬三賊帥燭其樓既而援兵漸
集彥萊副使楊述程以募兵至湖廣遂合安福副使劉芬驥石往女土官秦夏玉軍敗賊牛頭鎮復新都他路
援兵亦連勝賊然賊亦愈增日發塚擲枯骸忽自林中大譟數千人擁物如舟高丈許長五十丈樓數重牛革
蔽左右置板如平地一人披髮仗劍上戰羽旗中數百人挾機弩毒矢旁翼兩雲樓曳以牛俯瞰城中城中人
皆哭璽元曰此呂公車也乃用巨木爲橋關轉索發砲飛千鈞石擊之又以大砲擊牛牛返走敗去有諸生陷
賊中遣人言賊將羅象乾欲反正璽元令與象乾俱至呼飲戊樓中不脫其佩刀與同臥酣寢象乾誓死報復
繼而出自是賊中舉動無不知乃遣都將詐降誘崇明至城下伏崇明跳免會諸道援軍至璽元策賊且走
投木牌數百錦江流而下令有司沉舟斷橋嚴兵待象乾因自內縱火崇明父子遁走瀘州象乾遂以衆來歸
城圍百二日而解初朝廷聞重慶變卽擢璽元僉都御史巡撫四川以楊愈懋爲總兵官而擢河南巡撫張我
續總督四川貴州雲南湖廣軍未至而成都圍解官軍乘勢復州縣衙所凡四十餘惟重慶爲樊龍等所據其
地三面阻江一面通陸副使徐如珂率兵繞出佛圖關後與夏玉攻拔之崇明發卒數萬來援如珂迎戰檄同

知越其杰隨賊後殺萬餘人監軍俞事戴君恩令守備金宮廉攻斬賊將張彤樊龍亦戰死帝告廟受賀進君
恩三官璽元所遣他將復建武長甯獲僞丞相何若海瀘州亦旋復先是國禎阻遵義貴州巡撫李榕已遣兵
復之永甯人李忠臣誓爲松潘副使家居陷賊以誓約愈懇爲內應事覺合門遇害賊卽用其家僮給愈懋襲
殺之并殺順慶推官郭象儀等再陷遵義殺推官馮鳳雛當是時崇明未平而貴州安邦彥又起安氏世有水
西宣慰使安位方幼邦彥以故得倡亂朝議錄璽元守城功加兵部侍郎總督四川及湖廣荆岳鄖襄陝西漢
中五府軍務兼巡撫四川而以楊述中總督貴州軍務兼制雲南及湖廣辰常衡永十一府代我續共辦奢安
二賊然兩督府分閩治軍川貴不相應賊益得自恣三年璽元謀直取永甯集將佐曰我久不得志於賊我以
分賊以合也乃盡掣諸軍會長甯連破麻塘坎觀音菴青山崖天蓬洞諸砦與良玉兵會進攻永甯擊敗奢寅
於土地坎追至老軍營涼傘銷盡焚其營寅被二槍遁樊虎亦中槍死復追敗之橫山入青岡坪抵城下拔之
高拔將周邦太降賊二萬副總兵蔡衍祚等亦攻克遵義崇明父子逃入紅崖大國官軍感而拔之連拔天台
白崖楠木諸國撫定紅崖四十餘砦賊奔入蘭州城五月爲參將羅象乾所攻克崇明父子率餘衆走水西
龍場客仲壩倚其女弟奢社輝以守初賊失永甯卽求救於安邦彥邦彥遣二軍窺遵義永甯璽元敗走之繼
兵官李維新等遂攻破客仲壩崇明父子竄深箐維新偕副使李仙品俞事劉可訓參將林兆鼎等搗龍場生
擒崇明妻安氏弟崇輝實國禎 被創走錄功進璽元右都御史時蜀中兵十六萬土漢各半漢兵不任戰而

土兵驕淫不肯盡力成都圖 卽取重慶重慶復不卽擒永甯及永甯隴州並下賊 巢穴又縱使建寧大
抵土官利養寇官軍效之賊 轉爲計崇明父子方寤甚鑒元以蜀已無賊遂不 永甯既拔拓地千里
鑒元割齊腴地歸永甯衛以 地爲四十八屯給諸降賊有功者令歲輸賊於官曰屯將隸於叙州府增設
同知一人領之且移敘州兵備道於衛城與貴州參將同駐蜀中遂靖而邦彥張甚四年春門貴州巡撫王三
善軍沒明年總理會欽敗於織金貴州總督蔡復一軍又敗廷臣以三善等失事由川師不協助議合兩督府
乃命鑒元以兵部尙書兼督貴州雲南廣西諸軍移鎮遵義而以尹同舉代撫四川鑒元赴重慶邦彥偵知之
六年二月謀乘官軍未發分犯雲南遵義而令寅專犯永甯未行寅被殺乃已寅凶淫甚有阿引者受鑒元金
錢乘寅醉殺之寅既死崇明年老無能爲邦彥亦乞撫鑒元聞於朝許之乃遣參將楊明輝往撫鑒元旋以父
喪歸偏沅巡撫閔夢得來代先是貴州巡撫王珪謂督臣移鎮貴陽有十便朝議從之夢得乃陳用兵機宜請
自永甯始次普市摩泥赤水百五十里皆坦途赤水有城可屯兵進白巖府縣畢節大方僅二百餘里我旣宿
重兵諸番交通之路絕然後貴陽邊議軍剋期進賊必不能支疏未報夢得召還代以尙書張鶴鳴議遂寢鶴
鳴未至明輝奏制書僅招撫安位不云赦邦彥邦彥怒殺明輝撫議由此絕鶴鳴視師年餘未嘗一戰賊得養
其銳崇禎元年六月復召鑒元代之兼巡撫貴州仍賜尙方劍錄前功進少保世廕錦衣指揮使時寇亂久里
井蕭條貴陽民不及五百家山谷悉苗仲而將士多殺降報功苗不附鑒元招流移廣開墾募勇敢用夢得前

議檄雪南兵下烏撒四川兵出永甯下畢節而親率大軍駐陸廣逼大方總兵官許成名參政鄭朝棟由永甯復赤水邦彥聞之分守陸廣鴨池三岔諸要害別以一軍趨遵義自稱四裔大長老號崇明大梁王合兵十餘萬先犯赤水磐元授計成名誘賊至永甯乃遣總兵官林兆鼎從三岔入副將王國禎從陸廣入劉養親從遵義入合傾其衆邦彥恃勇擬先破永甯軍遁拒諸將急索戰四川總兵官侯賈桂副使劉可訓遇賊十萬於五峯山桃紅場大破之賊奔據山巔諸將乘霧力攻賊復大敗又追敗之紅土川邦彥崇明皆授首時二年八月十有七日也捷聞帝大喜以成名與賈桂爭功賞久不行烏撒安效良死其妻安氏招故舊益土酋安遠弟邊爲夫負固不服磐元乘兵威徭走邊遂復烏撒磐元以境內賊略盡不欲窮兵乃檄招安位位不決磐元集將更議曰水西地深險多箐壑蠻煙隳雨莫辨晝夜深入難出今當扼其要害四面迭攻賊乏食將自斃於是攻之百餘日斬級萬餘衆繼復遣人入大方燒其室廬位大恐三年春遣使乞降磐元與約四事一貶秩二削水外六目地歸之朝廷三獻殺王巡撫者首四開畢節等九驛位請如約率四十八日出降磐元受之貴州亦靖遂上誓後疏曰水西自河以外悉入版圖沿河要害臣築城三十六所近控蠻苗遠聯滇蜀皆立邸舍繕郵亭建倉廩賊必不敢猝入爲寇鴨池安莊傍河可屯之士不下二千頃人賦土使自贖鹽酪錫莖出其中諸將士身經數百戰咸願得尺寸地長子孫請割新疆以授之使知所激勵帝報可初崇明邦彥之死寶川中諸將功而黔將爭之磐元頗右黔將屢奏於朝爲四川巡按御史馬如蛟所劾磐元力求罷帝慰留之其冬討平定番

鎮甯叛苗乃通威清等上大衛及平越清平偏橋鎮連四衛道路凡一千六百餘里繕亭障置游徼實陽東北有洪邊十二馬頭故宣慰宋嗣股地也嗣股以助邦彥被剿滅乃卽其地置開州又奏復故施秉縣招流民實之四年阿迷州土官普名聲作亂陷爛勒州曲江所又攻臨安及甯州連近震動邇撫王仇繼兵官沐天波不能禦仇建戍蠻元遣兵臨之遂就撫龍場壩者購大方邦彥以假崇明崇明既滅總兵侯夏桂欲設官屯守以自廣而安位謂已故地數舉兵爭蠻元不之禁會蠻元劾夏桂不職夏桂亦許蠻元曲庇安氏納其重賄章下四川巡按御史劉宗祥宗祥亦劾蠻元受賄且以龍場承甯不置邑衛爲欺罔帝以責蠻元蠻元乃上言禦夷之法來則安之不專在攻取也今水西已納款惟明定疆界俾自耕牧以輸國賦若設官屯兵此地四面孤懸中限河水不利應援築城守渡轉運煩費且內激蘭州必死之關外挑水西扼吭之嫌兵端一開未易猝止非國家久遠計帝獨未許後勘其地果如所議論桃紅壩功進少師世廕錦衣指揮使一品六年滿加左柱國再議平賊功世廕錦衣指揮敘事十年安位死無嗣族屬爭立朝議又欲郡縣其地蠻元力爭遂傳檄土目布上威德諸蠻爭納土獻重器蠻元乃裂疆域衆建諸蠻復上疏曰水西有宣慰之土有各目之土宣慰公土宜還朝廷各目私土宜畀分守籍其戶口徵其賦稅殊俗內嚮等之編氓大方西溪谷里北那要害之地築城戍兵足銷反側夫西南之壤皆荒服也楊氏反播審氏反蘭安氏反水西滇之定番小州耳爲長官司者十有七數百年來未有反者非他苗好叛逆而定番性忠順也地大奢跋扈之資勢弱者保世之策今臣分水西地授之

酋長及有功漢人咸俾世守唐政苛斂一切蠲除參用漢法可為長久計因冒其便有九不設郡縣置軍衛因其故俗土漢相安便一地益蠶關聚落日繁經界既正土酋不得侵軼民地便二黔地荒确仰給外邦今自食其地省轉輸勞便三有功將士酬以金則國幣方匱酬以爵則名器將輕錫以土田於國無損便四既世其土各圖久遠為子孫計反側不生便五大小相維輕重相制無事易以安有事易以制便六調服治兵耀武河上傳賊遺孽不敢窺伺便七軍民願耕者給田且耕且守衛所自實無勾軍之累便八軍耕抵餉民耕輸粒以屯課耕不拘其籍以耕聚人不世其伍便九帝咸報司

元朱受元也永甯今敘永縣附郭縣在永甯河西岸其河東北流至納溪縣入大江納溪北岸即瀘州也瀘州今屬義府木梓當作梓木今內江縣鎮名龍泉隘在今資州石柱今石柱縣龍安今府名松滋德茂茂州也都江壩在瀘縣牛頭鎮在新都縣即彌牟鎮異名也錦江流而下錦當為沿重慶南據大江東北據嘉陵江當二江之合惟西面通陸佛圖關在巴縣西建武所在興文縣長甯軍今長甯縣皆屬敘州府長甯在永甯西北故由此適兵也永甯為江西也烏江上流曰陸廣河自大定府西流入東迤邐節平遠之北大定黔西滇義之南下流至川中入江安氏所據水西今黔西州直永甯之南其西曰大方今大定府大定之北赤水又北摩尼又北普市又北即永甯矣麻坡坎在永甯西長甯之南觀音庵青山崖天蓬洞皆自長甯而南東傳於永甯西南也土城坎老君營涼鐵舖橫山香永甯西南寨名青岡坪則其西南三十里地矣紅崖大國在永甯東南十里大定府西北五十里大台又在其南白崖楠木諸國在遠境北非平遠州西四十里之白崖也紅灣營在其北密羅州在永甯東黔西州西北龍場客仲壩在仁懷縣西南赤水之西瀘州北也鐵金關在黔西州西北白巖在平遠州西北層臺在赤水西南今畢節縣苗苗民仲亦苗也烏撒今威寧州鴨池河上流為三岔河在平遠州東下流入廣廣河平遠州即比喇也五峰山紅土川桃紅壩皆在平遠州西北威寧縣東南安莊衛即鎮南州定番屬貴陽府威清今清鎮縣平越今為府清平今為縣偏橋在鎮遠府西洪邊今開州屬貴陽府曲江

府東北

召王拾拜工部左侍郎攝部事兵部尚書王在晉繼帝召見羣臣奇治狀貌即擢任之上疏陳軍政十事曰嚴

債帥修武一核實兵衛將材戰欺蔽德股削斷調策和肅舉異才弭盜賊帝並賜納宣大總督王象乾與吳
國巡撫張宗衡爭插漢款戰事帝召諸大臣平臺詰問良久洽及諸執政並主象乾策定款議詳見象乾宗衡
傳尋上言祖宗養兵百萬不費朝廷一錢屯田是也今遼東永平天津登萊沿海荒地及寶坻香河鹽灘五田
三河順義諸縣州田百萬頃元虞集有京東水田之議本朝萬厯初總督張佳允巡撫張國彥行之餉銀爲豪
右所阻其後巡撫汪應蛟復行之河間今已墾者荒未墾者置不問適天施地生之利而日講生財之術爲養
軍資不大失策乎乞敕諸道密司遵先朝七分防禦三分屯墾之制實心力行庶國計有俾軍食無缺帝稱善
卽命行之

照文燦巡撫福建海上故多劇盜袁進李忠既降楊六楊七及鄭芝龍繼起總兵官俞咨皋招六七降芝龍獨
憾如故然芝龍常敗都司洪先春釋不追獲一遊擊不殺咨皋戰敗縶之走當事知其可撫遣使諭降之文燦
手書過芝龍使爲己用其黨李魁奇再降再叛去芝龍擊禽之海警漸息而鍾斌又起斌初亦就撫後復叛寇
福州文燦誘斌往泉州令芝龍擊敗之旣而感之大洋斌投海死閩中屢平巨寇皆芝龍力文燦亦叙功增秩
焉

召楊鶴拜左僉都御史進左副都御史鶴上言國治之要在培元氣自大兵大役加派額仍公私交營小民之
元氣傷自遼左黔黔喪師失律尋骨成邱封疆之元氣傷自督紳搆讐彼此相傾逆奄乘之誅錮營類士大夫

之元氣傷譬如重病初起百脉未調風邪易入道在培養時以爲名言先是選左用兵逃軍憚不敢歸伍相聚
剿虜主是關中頻歲祇有司不恤下白水王二者鳩衆應其而闖入澄城殺知縣張耀采由是府谷王嘉允漢
南王大梁隋州周大旺羣賊並起三邊饑饉應之流氛之始也當是時承平久卒被兵人無固志大更惡關賊
曰此賊根徐自定耳明年總督武之望死久之廷臣莫肯往者羣推鶴帝召見鶴問方略對曰清慎自持撫綏
將卒而已遂拜鶴兵部右侍郎代之望總督陝西三邊軍務至則大梁大旺王二已前誅滅而繼起者益衆鶴
素有清望然不知兵

蘇如鼐爲將持重更歷七鎮所在見稱自隆慶後款市既成烽燧少警釐下視鎮帥爲外府山人雜流乞朝士
尺牘往者無不娶所欲餉鎮戚繼光有能詩名尤好延文士傾貲結納取足軍府如蘇亦能詩士趨之若鶩資
庫常滿妻楊氏繼妻南氏皆貴家女至脫簪珥供客猶不給軍中患苦之如蘇莫能却也一時風會所向諸邊
物力爲耗職者歎焉

二年金聲上疏冒陛下曉夜焦勞日親天下之事實未嘗日習天下之人必使天下才不才及才長短一一
程區不獨方可斟酌位置往者陛下數召對羣臣問無所得辭當聖心遂厭薄之臣最妄謂陛下泰交尙未殷
願問尙未數不得謂召對無益也願自今間日御文華令京卿翰林臺諫及中行評博等官輪番入直博咨廣
論而內外有歸業者亦得不時進見政事得失軍民利病廟堂舉錯邊境情形皆與臣工考究於燕閒之間庶

月既久品益顯臣才不才及才長短豈得過聖帝求及報野再疏懇言之終不用

(三年)夏五上曾臣率襄明拱明提兵襄陽以奏紅崖墩諸捷乃行問諸將未覩賊面懷脅誇張及乎對壘聞風先遁敗於賊者唯恐人之勝怯於賊者唯恐人之強如總兵李維新渡河一戰敗歸歸營反閉門拒臣不容一見以六尺軀橫眉男子忌一巾幗婦人靜夜思之亦當愧死帝優詔報之命文武大吏皆以禮待不得疑忌

真玉石柱女土司真真玉也

何剛字懋人上海人崇禎三年舉於鄉見海內大亂慨然有濟世之志交天下豪俊與東陽許都晉諸之曰子所居天下精兵處盡練一旅以待用都諾而去十七年正月入都上言國家設制科立資格以約束天下豪傑此所以弭亂非所以戡亂也今日救生民匡國莫急於治兵陛下誠簡彊壯英敏之士命知兵大臣教習之講船鈴練筋骨拓胸膈習時召而試之學成優其秩寄以兵柄必能建奇功臣讀戚繼光書繼光數言義烏東陽兵可用誠得召募數千加之訓練準繼光遺法分布河南郡縣大寇可平因薦都及錢塘進士姚奇允桐城諸生周岐陝西諸生劉湘客絳州舉人韓霖帝壯其言即擢剛職方主事募兵金華而都作亂已前死霖亦爲賊用剛不知故並薦之

賀世龍進左都督時燧化永平遷安瀋州四城失守已三月承宗大壽隔關門與世龍諸軍聲應斷絕帝急詔四方兵勦王昌平尤世威爾鎮楊肇基保定曹鳴雷山海宋偉山西王國樞固原楊獻延綏吳自勉臨洮王承

恩帝尤世祿甘肅楊嘉謨所將皆諸邊銳卒內地則山東河南南都湖廣浙江江西福建四川諸軍亦先後至并壁爾門觀望不進給事中張第元上言世龍在關數戰績效無聞非若衛霍之偉功名足以服人也諸帥宿將非世龍偏裨欲驅策節制誰能甘之師老財匱銳氣日消延及夏秋將有不可言者帝以世龍方規進取不納其言時大壽於五月十日薄瀾州明日世龍等以師會又明日復其城十三日遊擊新國臣復還安明日副將何可綱復永平又二日別將復遼化關五月四城始復論功大壽最世祿次之

梁廷棟以兵食不足將加賦因言今日閭左雖窮然不窮於遼餉也一歲中陰爲加派者不知其數如朝覲考滿行取推陞少者費五六千金合海內計之國家選一番守令天下加派數百萬巡按查盤訪緝餽遺謝薦多者至二三萬金合天下計之國家遣一番巡方天下加派百餘萬而曰民窮於遼餉何也臣考九邊額設兵餉兵不過五十萬餉不過千五百三十餘萬何憂不足故今日民窮之故惟在官食使貪風不除卽不加派民愁苦自若使貪風一息卽再加派民懷忻亦自若疏入帝俞其言下戶部協議戶部尙書畢自嚴阿廷棟意卽言今日之策無論加賦請敵加九釐之外再增三釐於是增賦百六十五萬有奇海內並咨怨已陳賡弊五事曰屯田曰鹽法曰錢法曰茶馬曰積粟又極陳陝西致寇之由請重懲將吏貪汙者以紓軍民之憤聖怒詔之帝皆變納廷棟居中樞旋餘所陳兵事多中機宜帝甚倚任然頗挾數行私不爲朝論所重

魏星漢疏陳兵屯之策請敕順天保定兩巡撫簡所部壯士大邑五百人小邑二三百人分營訓練而天津

鳳神遼州范景文昌平侯恂並建節鉞宜令驍兵之外兼營屯田又陳閩海剿撫宜大事並議行

吳執御旨往者邊警其崇煥王元雅擁金錢數百萬士馬數十萬狼狽失守而史應聘王象雪張星左應選以一邑抗強敵故曰籌邊不在增兵餉而在擇人請繼輔東北及秦晉沿邊州縣選授精敏甲科賜璽符界本地租賦撫練軍民自禦寇邊關文武吏繕修戰守外資以理財如先臣王綱葉盛輩所爲客兵可撤餉省可數百萬帝時未審執御所諭繼輔秦晉也而曰歲賦留本地則國用何資不聽

王綱見宣德七年奏
盛事見景泰二年

是時秦地所徵曰新餉曰均輸曰閒架其目日增吏因緣爲姦民大困以給事中劉繼祖裁驛站山陝游民仰
驛輅者無所得食俱從賊賊轉盛兵部郎中李繼貞奏曰延民饑將盡爲盜請以帑金十萬振之帝不聽

(四年)賊神一元死第一魁國慶陽陷合水鶴關移駐甯州一魁求撫送還合水知縣蔣應昌別賊拓先齡金翅鵬過天星田近菴獨類虎上天龍等亦先後降鶴設御座於城樓賊跪拜呼萬歲鶴宣聖諭令設誓或歸伍或歸農賊伴應之則立赦其罪羣盜自是視鶴督如兒戲矣鶴又以一魁最強致其壻帳中同臥起而一魁果至數以十罪則稽首謝即宣詔赦之昇以官處其衆四千餘人於甯塞使守備吳宏器護焉文煥聞之歎曰甯塞之役賊畏我而逃今者賊僞降楊公信之借名城爲盜資我宗人可與賊逼處此土乎遂以其族行

甯塞在延安文

煥社文
煥也

洪承疇受賊降命人龍勢以酒伏兵擊斬三百二十人其冬張福增代承疇遣人龍剿賊黨雄斬獲二百有奇

人龍寶
人龍也

魏呈潤疏言驛站所裁纔六十萬未足充軍餉十一而郵傳益疲勢必再編里甲是猶剜肉醫瘡瘡未瘳而肉先潰關外舊兵十八萬額餉七百餘萬今兵止十萬七千合餉門援卒非溢原數加派五百九十萬外新增又百四十餘萬猶憂不足可不為稽核乎邊報告急非臣子言功之日而小捷頻聞蹶加峻秩門客廝養詭名戎籍不階而升悉糜俸料臣懼其難繼也江淮旱災五湖之間海岸為谷舊穀不登新絲未熟上供織造宜且暫停銓法壞於事例正途日蹙不可不疏通撫按諸臣捐贊助餉大抵索之民間顧奉急公之憂上蒙而下削不可不禁訪又條陳數策請大修北方水政帝皆納其言

祁彪佳上合籌天下全局疏以策關甯制登海為二大要分析中州秦晉之流賊江右楚粵之山賊浙閩東粵之海賊滇黔楚蜀之土賊為四大勢極控制駕馭之宜而歸其要於戢行伍以節餉實衛所以銷兵復陳民間十四大苦曰里甲曰虛糧曰行戶曰搜贓曰欵提曰隔提曰許設曰謫訪曰私稅曰私鑄曰解運曰馬戶曰鹽丁曰難民帝皆其言下之所司

〔五年〕賊圍合水文詔往救賊匿精銳以千騎逆戰誘抵南原伏大起城上人言曹將軍已歿文詔持矛左右突匹馬縈萬衆中諸軍望見夾擊賊大敗僞屍蔽野

文詔書
文詔也

左賈玉少孤育於叔父其貴也不知其母姓長身頰面顴勇善左右射目不知書多智謀撫士卒得其歡心以

故賊有立功陝西賊入河南圍懷慶王命良玉將昌平兵往剿大指募辦河南會賊寇修武清化者竄入平陽因據夏王入山西禦之頗有新獲河南巡撫樊尙環以良玉駐澤州扼豫晉咽喉可四面爲援兵詔從之時曹文詔將陝西兵帝令良玉受尙環節制與文詔同心討賊有急則募兵東豫兵西良玉兵從中橫擊

李九成孔有德圍萊州山東巡撫徐從治中歐死擢大典右叅都御史代之詔駐青州調度兵食七月登萊巡撫謝捷復陷於賊總督劉宇烈被逮乃罷總督及登萊巡撫不設專任大典督主客兵數萬及關外勦放四千八百餘人合剿之以總兵金國奇將率副將靳國臣劉邦域參將祖大弼祖寬張鶴遊擊柏永福及故總兵吳襄襄子三桂等以中官高起潛監護軍餉抵德州賊復犯平度副將牟文綬何維忠等救之殺賊魁陳有時維忠亦被殺八月巡按監軍御史謝三賓至昌邑請斬王洪劉國柱詔逮治之兵部尙書熊明遇亦坐主撫誤國罷去三賓復抗疏請絕口勿言撫事國奇等至昌邑分三路國奇等關外兵爲前鋒鄧玘步兵繼之從中路灰罕進昌平總兵陳洪範副將劉澤清方登化從南路平度進參將王之富王文緯等從北路海廟進檄邀擊徐元亨等率華陽師來會以牟文綬守新河諸軍皆攜三日糧盡抵新河東岸亂流以濟祖寬至沙河有德迎戰寬先進國臣繼之賊大敗諸軍乘勝追至城下賊夜半東遁國始解守者疑賊誘礙拒之起潛遣中使入諭聞城相慶明日南路兵始至國奇等遂擊賊黃縣斬首萬三千俘八百逃散及臨海死者數萬賊竄歸登州國臣等築長圍守之城三面距山一面距海牆三十里而遙東西俱抵海分番戍賊不能出發大礮官軍多死傷李

九成出戰相當十一月九成搏戰降者獲其謀官軍合擊之賊於陣賊乃曉夜哭賊渠魁五九成有德有時耿仲明毛承祿也及是殺其二帝以降圍功進大典右副都御史將吏陞賞有差是月國奇卒以喪代攻圍既久賊糧絕恃水城可上不降及王之宮祖寬奪其水門外護牆賊大懼六年二月中旬有德生遁載子女財帛出海仲明以水城委副將王秉忠已亦以單舸遁官軍遂入大城攻水城未下遊擊劉夏佐縣城策匿人承福寺中穴城置火藥發之城崩官軍入賊退保蓬萊閣大典招降始釋甲俘千餘人獲秉忠及僞將七十五人自縊及投海死者不可勝計賊盡平有德等走旅順島帥黃龍邀擊生禽其黨毛承祿陳光福蘇有功斬李應元惟有德仲明逸去乃獻承祿等於朝磔之先一日有功脫械走帝震怒斬監守官刑部郎名獲罪未幾被執伏誅叙功進大典兵部右侍郎世膺錦衣百戶巡撫如故

大典朱太興也有德等皆毛文龍部曲文龍死撤授大凌河天大雨雪兵乏餉遂大掠而回登萊中路灰堆在平度西藥石河濱南路平度今平度州北路海衛在平度西北海倉口孤河在平度州西南即膠萊河也沙河在即墨下流入海疑即墨河別名也蓬萊閣在登州府城中旅順島今旅順海口在南海縣南百二十里登萊口也

〔六年〕陳奇瑜上疏極言鄧廷達鎮城千餘里饑荒盜賊狀詔免延安慶陽田租奇瑜乃遣副將盧文晉討斬截山虎柳盜跖金趙鵬等尋遣游擊常懷德斬薛仁貴參政戴君煜斬一條龍金剛鐵開山鶴黑煞神令中虎五閻王馬上飛都督微思賢斬王登槐巡檢羅楚斬馬紅狼滿天飛參政張伯鯨斬滿鵝萬黃多翹隔清飛守備關士衡斬張聰樊登科樊計榮一塊鐵背青狼穿山甲老將軍二將軍滿天星上山虎把總白士斬瑞

地虎守備郭金城斬地虎括天飛守備郭太斬跳山虎新來將就地滾小黃鸞房日兔游蹤經世助斬寶總
營逼上天小紅旗他將斬草上飛一隻虎一翅飛雪裏手四天王薛紅旗獨尾狼諸渠魁略盡奇瑜乃上疏曰
流寇作難始於歲饑而成於元兇之煽誘致兩三路皆盜藪今未頓一兵未絕一弦傷斬頭四百七十七人
及其謀干有奇頭目既除餘黨自散向之斬木揭竿者今且荷鋤耒耜矣帝嘉之令錄有功將士以聞延綏
賊多解獨饒天哨開山斧據永甯關永甯在鎮城東前阻山下臨黃河數年不下奇瑜謂是不可以力取乃陰
簡銳士陽言繼制檄發兵令賀人龍將之而西身爲後勁直抵延川俄策馬東曰視吾馬首所向潛師疾走入
山賊不虞大兵至驚潰焚其巢斬首千六百有奇一賊俱滅分兵擊斬金翅鵬一座城獲首五百五十延水羣
盜盡平奇瑜威名著關陝於是羣盜悉萃於山西流突河北繼南冬冰堅從灇池渡躍河南湖廣窺四川

永甯在延川

盧象昇每臨陣身先士卒與賊格鬪刃及轡勿顧失馬卽步戰遂賊危崖一賊自巔射中象昇額又一矢僞夫
斃馬下象昇提刀戰益疾賊賊走相戒曰盧廉使遇卽死不可犯象昇以是有能兵名賊懼南渡河

插漢虎墩兔合套寇犯甯夏總兵賀虎臣戰歿詔起世龍代之世龍生長甯夏習其形勢大修戰備明年正月
二部入犯遣參將卜應第大破之斬首二百有奇踰月套寇犯賀蘭山世龍遣降丁潛入其營賊其長撒兒甲
新級如前未幾插都大舉入寇世龍遣副將晝光先等分五道伏要害而已中道待之夾擊斬首八百有奇

實世
其也

〔七年〕陳奇瑜上言趙中屢捷一時大盜幾盡其竄伏深山者臣督鄉民爲嚮道無穴不搜趙中漸有甯宇帝嘉勞之乃督副將劉遷等搜竹谿平利賊追至五狼河禽其魁十二人遣參將賀人龍等追八晝夜至紫陽賊死者萬餘人先是賊入蜀復自蜀入秦由陽平關奔鞏昌承購票之秦州賊遂越兩當襲破鳳縣分爲二一向漢中取問道犯城固洋縣一由鳳縣奔寶雞汧陽於是賊在平利洵陽間者數萬自四川入西鄉者二三萬犯城固洋縣者又東下石泉漢陰會漢興通商雖當是時奇瑜以湖廣賊盡鼓行而西謂賊不足平也乃遣游擊唐通防漢中以護藩封遣參將賀人龍劉遷夏鎬扼略陽沔縣防賊西遁遣副將楊正芳余世任扼褒城防賊北遁自督副將楊化麟柳國鎮等駐洋縣防賊東遁又檄練國事盧象昇元獸各守要害截賊奔逸賊見官軍肆集大懼悉遁入興安之車啣峽請渠魁李自成張獻忠等咸在焉峽四山峻立中互四十里易入難出賊誤入其中山上居民下石擊或投以炬火山口礮石塞路絕無所得食困甚又大雨二旬弓矢盡脫馬乏餓死者過半當是時官軍感之可盡殲自成等見勢絀用其黨顧君恩謀以重寶賄奇瑜左右及諸將帥僞請降奇瑜無大計遽許之先縱籍三萬六千餘人悉勞還歸農每百人以安撫官一禮之檄所過州縣具輜糧傳送諸將無邊擾亂事諸賊未大創降非實也既出棧道遂不受約束盡殺安撫官五十餘人攻掠諸州縣關中大震奇

瑜機失計乃委罪他人以自解

五狼河在平利縣車啣峽在興安府

陳國事上言漢南賊盛入棧道奇瑜檄止兵臣未知所擬實數及見奇瑜疏八大王部萬三千人蠟子塊部
萬五百餘人張妙手部九千一百餘人八大王又一部八千三百餘人臣不覺仰天長歎夫一月內無強寇四
萬餘處從棧道入內地食飲何自出安得無剽掠且一大帥將三千人而一賊魁反擁萬餘衆安能受紀律即
藉口回籍延安州縣驟增四萬餘人安集何所合諸征剿兵不滿二萬而降賊踰四萬豈內地兵力所能支宜
其速陷名城而不可救也若督臣不堵剿則先有止兵檄矣若云賊已受撫因誤殺使人致然則未誤殺之先
何爲破麟游永壽今事已至此惟急調大軍致討若仍以願回原籍禁兵勿剿三秦之禍安所終極哉疏入事
已不可爲遂逮下獄

陳奇瑜失李自成於車箱廷議合晉撤楚蜀兵四面剿之賊乃分軍三一向慶陽一趨鄖陽而一出關趨河南
趨河南者又分爲三郡邑所在告急良玉扼新安瀾池他將陳治邦駐汝州陳永福扼南陽皆坐甲自保而已
不能大創賊也賊每營數萬兵番進皆因糧宿飽我兵寡備多饋餉不繼賊介馬馳一日夜數百里我步兵多
騎少行數十里輒疲乏以故多畏賊而良玉在懷慶時與督撫議不合因是生心緩追養寇多收降者以自重
督撫檄調不時應命稍稍露跋扈端矣

良玉左
良玉也

陳奇瑜既罷卽命三邊總督洪承疇兼督河南山西湖廣軍務剿中原羣盜言官以承疇勢難兼顧請別遣一
人爲總督鳳翼不能決既而承疇竟無功及賊將南犯請以江北巡撫楊一鵬鎮鳳陽防護皇陵溫體仁不聽

鳳翼亦不能再請八年正月賊果燬鳳陽皇陵言官交章劾鳳翼鳳翼亦自危引罪乞罷帝不許令戴罪視事初賊之犯江北也給事中桐城孫晉以鄉里為憂鳳翼曰公南人何憂賊賊起西北不食稻米賊馬不飼江南草則者笑之事益急始令朱大典鎮鳳陽尋推盧象昇為總理與洪承疇分討南北賊而賊已蔓延不可制矣

鳳翼張鳳翼也

張鳳翼討賊之役原議集兵七萬二千隨賊所向以殄滅為期督臣承疇以三萬人分布豫楚數千里力薄又久成生疾故尤世威徐來朝俱潰以二萬人散布三秦千里內勢分又孤軍無援故艾萬年曹文詔俱敗今既益以祖寬李重鎮倪寵牟文綬兵萬二千又募楚兵七千合九萬有奇兵力厚矣請以賊在關內者屬承疇在關外者屬象昇倘賊盡出關則承疇合剿於豫盡入關則象昇合剿於秦臣更有慮者賊號三四十萬更迭出犯勢衆而力合我零星四應勢寡而力分賊所至因糧於我人皆宿飽我所至樵蘇後鑿動輒呼庚賊馬多行疾一二日而十舍可至我步多行緩三日而重嶺難馳衆寡饑飽勢逸之勢相懸如此賊何日平乞嚴敕督理二臣選將統軍軍各一二萬人俾前茅後勁中權聯絡相貫然後可制賊而不為賊制今賊大勢東行北有黃河南有長江東有清渠彼無舟楫豈能飛越我兵從西北窮追猶易為力此防河扼險目前要策所當申飭者也帝稱善命速行之

陳新甲以戎備久弛親歷邊垣經前人足跡所不到具得士馬損耗城堡傾頽弓矢甲仗朽敝狀屢疏請於朝

加整飭邊防賴之

〔八年〕曹文詔會總督洪承疇於信陽承疇大喜卽令擊賊隨州文詔追斬賊三百八十有奇四月承疇次汝州以賊盡入關中謀還顧根本分命諸將扼要害檄文詔入關文詔乃馳至靈寶謁承疇承疇以賊在商雒聞官兵至必先走漢中而大軍由潼關入反在其後乃令文詔由關鄉取山路至雋南商州直搗賊巢復從山陽鎮安柞陽馳入漢中遇其奔軼曰此行也道路回遠將軍勞苦吾集關中兵以待將軍拊其背而進之文詔踴躍去五月五日抵商州賊去城三十里營火滿山文詔夜半率從子參將變蛟守備鼎蛟都司白廣恩等敗賊深林中追至金嶺川賊據險以千騎逆戰變蛟大呼陷陣諸軍並進賊敗走變蛟勇冠三軍賊中聞大小曹將軍名皆怖懼已而聞王八大王諸賊犯鳳翔趨汧陽隴州文詔自漢中馳赴賊壘向靜甯秦清水秦州聞衆且二十萬承疇以文詔所部合張全昌張外嘉軍止大千衆寡不敵告急於朝未得命大月官軍遇賊亂馬川前鋒中軍劉宏烈被執俄副將艾萬年柳國鎮復戰死文詔聞之瞋目大罵亟詣承疇請行承疇喜曰非將軍不能滅此賊顧吾兵已分無可策應者將軍行吾將由涇陽趨清化爲後勁文詔乃以三千人自甯州進遇賊真甯之湫頭鎮變蛟先登斬首五百追三十里文詔率步兵繼之賊伏數萬騎合圍矢竭集賊不知爲文詔也有小卒縛急大呼曰將軍救我賊中叛卒識之悉賊曰此曹總兵也賊喜圍益急文詔左右跳牆手擊殺數十人轉鬪數里力不支拔刀自刎死游擊牟安以下死者二十餘人承疇聞拊膺大哭帝亦痛悼

亂馬川未聞
湫頭鎮在真

艾萬年言滅賊之法不外剿撫今剿撫俱未合機宜臣不得不極言夫剿賊不患賊多患賊走蓋疊嶂重巒皆其淵藪兵未至而賊先逃所以難滅其故則兵寡當事非不知兵寡因糧糧不足爲苟且計日引月長以至於今雖多措餉多設兵而已不可救矣宜合計賊衆多寡用兵若干餉若干度其足用然後審察地利利用正用奇用伏用間或擊首尾或衝左右有不卽時殄滅者臣不信也次則行堅壁清野之法困賊於死地然後可冒撫蓋羣賊攜妻挈子無城柵無輜重暮楚朝秦傳食中土以剿掠爲生誠令附近村屯移入城郭儲精兵火器以待之賊衣食易盡生理一絕烏驚鼠竄然後選精銳據要害以擊之或體陛下好生之心誅厥渠魁宥其脅從不恤仁不損威乃撫剿良策帝深嘉之

賊陷鳳陽世威以三千五百騎赴之抵甯州會總督洪承疇出關討賊次信陽命世威趨汝州甫二日承疇亦至時賊見河南兵盛悉奔入關中承疇將入關征討乃大會諸將令分防汝雅諸要害以世威部下皆勦旅與參將徐來朝分駐永甯盧氏山中以扼維南關草川朱陽關之險戒之曰靈陝賊所出入汝勿懈及承疇既入關賊避之而南復由藍田走盧氏扼於世威仍入商雒山中來朝所部三千人不肯入山大譟賊至來朝逃一軍盡歿世威軍屢敗久大疫與賊戰失利世威及游擊劉肇基羅岱俱負重傷軍大憤賊遂越盧氏走永甯事聞命辭任候勘十年宣大總督盧象昇曾世威善撫士卒曉軍機徒以數千客放久戍荒山疾作失利今當用

兵時棄之可惜乃命赴象昇軍自效

蕭川朱陽陽曾在盧氏縣世城尤世祿也

給事中何楷陳靖海之策言自袁進李忠楊祿楊策鄭芝龍李魁奇鍾斌劉香相繼爲亂海上歲無寧息今欲靖寇氛非墟其窟不可其窟維何臺灣是也臺灣在澎湖島外距漳泉止兩日夜程地廣而腴初貧民時至其地規魚鹽之利後見兵威不及往往聚而爲盜近則紅毛築城其中與奸民互市屹然一大部落墟之計非可干戈從事必廢通海之禁俾紅毛無從謀利奸民無從得食出兵四犯我師乘其虛而擊之可大得志紅毛舍此而去然後海氛可靖也時不能用

〔九年〕先是大帥曹文詔艾萬年陣亡尤世威敗歸諸將率畏賊不敢前象昇每慷慨瀝泣激以忠義軍中嘗絕三日餉象昇亦水漿不入口以是得將士心戰輒有功九年正月大會諸將於鳳陽象昇乃上言曰賊橫而後調兵賊多而後增兵是爲後局兵至而後議餉兵集而後請餉是爲危形況請餉未數兵將從賊而爲寇是八年來所請之兵皆賊黨所用之餉皆盜糧也又言總督總理宜有事兵專餉請調咸甯甘固之兵屬總督餉遼關甯之兵屬總理又言各省撫臣俱有封疆重任毋得一有賊警卽求援求調不應則吳越也分應則何以支又言臺諫諸臣不問難易不顧死生專以求全責備雖有長材從何展布臣與督臣有剴法無堵法有戰法無守法言皆切中機宜

象昇直隸人

是時楚豫賊及迎祥等俱在秦楚蜀之交萬山中象昇自南陽趨襄陽進兵賊多兵少而河南大饑餉乏邊兵

益海承曉象昇議關中平曠利騎兵以寬重鎮軍入陝而襄陽均宜穀上津南漳環山皆賊七月象昇渡浙河而南九月追賊至鄆西京師戒嚴有詔入衛再賜尙方劍既行賊遂大逞駸駸乎不可復制矣

迎祥高迎祥也象昇慮忠

孫

傳庭泄秦嚴徵發期會一從軍興法秦人愛之不如總督洪承疇然其才自足辦賊賊首整齊王據商維諸將不敢攻檄副將羅尙文擊斬之當是時賊亂關中有名字者以十數高迎祥最强拓養坤黨最衆所謂闖王鵠子塊者也傳庭設方略親擊迎祥於盤屋之黑水峪禽之及其僞領哨黃龍總管劉哲獻俘闕下錄功增秩一等而賊黨自是乃共推李自成爲闖王矣

給事中陳昌文上言將在軍君命有所不受今既假督理二臣以便宜則行軍機要不當中制若今日議不許斬級明日又議必斬級今日議徵兵援鳳明日又議撤兵防河必至無所適從願樞臣自今凡可擊督撫之肘者俱寬之文法俾得展布可也兵法守敵所不攻攻敵所不守奇正錯出滅賊何難今不惟不能滅乃今日破軍殺將明日又陷邑殘州止罪守令而不及巡撫豈法之平願樞臣自今凡可責諸撫之成者勿寬文法俾加磨礪可也帝納其言

賊走登封石陽關與伊嵩賊合九州期良玉夾擊良玉半道歸九州以孤軍千二百人由嵩縣深入賊屢敗窮追四十餘里誤入深崖遇賊數萬盤險攻圍九州勢不敵夜移營爲賊所乘送戰歿石羊關在登封東南告成

〔十年〕拜熊文燦兵部尚書兼右副都御史代王家禎總理南畿河南山西陝西湖廣四川軍務文燦拜命卽請左良玉所將六千人爲己軍而大募粵人及烏蠻精火器者一二千人以自護弓刀甲冑甚整次廬山謁所營僧空隱僧迎謂曰公誤矣文燦屏人問故僧曰公自度所將兵足制賊死命乎曰不能曰諸將有可屬大事當一面不煩指揮而定者乎曰未知何如也曰二者既不能當賊上特以名使公厚實望一不效誅矣文燦却立良久曰撫之何如僧曰吾料公必撫然流寇非海寇比公其慎之當是時嗣昌建四正大隅之策增兵餉大半期滅賊賊頗懼及文燦至京軍屢捷益懼文燦願決計招降初抵安慶卽遣人招張獻忠劉國能二人聽命乃益刊招降檄布通都又請盡遷民與粟閉城中賊無所掠當自退帝怒譴文燦嗣昌亦心非之旣已任之則曲爲文燦解因其請昇以畿輔山西兵各三千明年國能果降而獻忠與張獻忠會得功又大破賊舞陽馬士秀杜應金夜半降信陽城下獻忠爲左良玉所創幾被禽其下饑困多散去獻忠窮蹙亦因陳洪範以降

歸

余應桂乃陳撫剿始末自己無罪而誣文燦曾正月初譴撫劉國能其黨李萬慶等諸大賊盡走泌陽襄陽時文燦良玉並在德安臣以爲兵勢方盛宜乘此追剿而文燦調良玉諸軍盡赴信陽剿馬進忠臣謂進忠小寇勝之不武文燦不聽自此機一失賊走西而文燦東致張獻忠攻陷穀城以要撫李萬慶五部收餘燄勢復振

而豫楚之患遂自文燦之懷諫貽之矣追賊西潰之後選節上聞妄報斬級其自恃所長惟火礮火攻邇通州縣用夫至八百死亡載道未見其一試也且文燦辦賊之策曰先撫後剿乃茶山不效麻城又不效第見招撫之旗絡繹於道一遣使招贖一龍而使者被殺一遣使招李萬農而饒鹽椒運魚肉興通市賊反因之焚掠未見一賊歸順也天下有如是撫法乎其一切軍需悉取於所歷之有司名曰借辦致城市空虛子遺盡絕三月至麻城民不堪淫掠欲焚其署始踉蹌而走麻城文燦壻家也戚里如是餘可知矣三月在蕪水其兵殺鄉民報捷民家環哭竟不敢治一兵蕪水文燦家園也鄉里如是餘可知矣是以捷報日張寇勢愈熾十三家之賊蹂躪南陽汝甯如履無人之境文燦駐宛汝已久調度不聞天下有如是剿法乎獻忠在穀城招納亡命賈馬璽器人人知其叵測文燦顧欲借之爲前茅遣官調之非惟不應復留解餉之官求總兵湖廣今已造浮橋跨漢水矣文燦前既誇張而叙功復復掩匿而不報可不謂之欺君乎以總理之大柄畀之類職之輩夫臣不知其可也帝不納

文燦壻熊文燦茶山在蕪水北

宣諭聞宣諭即夜馳至天城矢檄旁午言二百里外乞炭馬蹄關路四十里象昇曰此大舉也問入口乎曰未象昇曰殆欲右窺雲晉令我兵集宜則彼乘虛入耳因檄雲晉兵勿動自率師次右衛戒邊吏毋輕言戰持一月象昇曰憚矣可噤知三十六營離牆六十里潛召雲師西來宣師東來自督兵直子午出羊房堡計日

應戰乞炭關之卒通象昇在陽和乞炭不敢近邊

天城衛今天鎮縣

楊嗣昌積歲林居博涉文籍多識先朝故事工筆札有口辨帝與語大信愛之鳳翼故柔靡兵事無所區畫嗣昌銳意振刷帝益以爲能每對必移時所奏請無不聽曰恨用卿晚嗣昌乃議大舉平賊請以陝西河南湖廣江北爲四正四巡撫分剿而專防以延綏山西山東江南江西四川爲六隅六巡撫分防而協剿是謂十面之網而總督總理二臣隨賊所向專征討福建巡撫熊文燦者討海賊有功大旨自詭足辦賊嗣昌聞而喜之會總督洪承疇王家驊分駐陝西河南家驊故庸材不足任嗣昌乃薦文燦代之因議增兵十二萬增餉二百八十萬其措餉之策有四曰因糧曰溢地曰事例曰驛遞因糧者因舊額之糧量爲加派畝輸糧六合石折銀八錢傷地不與歲得銀百九十二萬九十有奇溢地者民間土田溢原額者核實輸賦歲得銀四十萬六十有奇事例者富民輸資爲監生一歲而止驛遞者前此郵驛裁省之銀以二十萬充餉議上帝乃傳諭流寇延蔓生民塗炭不集兵無以平寇不增賦無以餉兵勉從廷議暫累吾民一年除此腹心大患其改因糧爲均輸布告天下使知爲民去害之意嗣昌既建四正六隅之說欲專委重文燦文燦顧主撫議與前策牴牾帝聽譚文燦嗣昌亦心望既已任之則曲爲之解乃上疏曰網張十面必以河南陝西爲殺賊之地然陝有李自成惠登相等大部未能剿絕法當驅關東賊不使合而使陝撫斷商雒鄖撫斷鄖襄安撫斷英大鳳撫斷毫潁而應撫之軍出陝保撫之軍渡延津然後總理提邊兵監臣提禁旅撥撫提陳永福諸軍并力合剿若關中大賊逸出關東則秦晉提督變蛟等出關協擊期三月盡諸劇寇巡撫不用命立解其兵柄簡一監司代之總兵不用命

立奪其帥印簡一副將代之監司副將以下悉以尙方劍從事則人人効力何賊不平乃尅今年十二月至明年二月爲滅賊之期帝可其奏

車駕出城鉞甲旌旗甚盛羣臣悉驚策馬從大軍望見乘輿皆呼萬歲帝大悅召完學入御帳獎勞酌以金卮然徒爲容觀而已時兵事益亟帝命京軍出防州皆監以中官廩給優渥挾勢而驕多奪人俘獲以爲功輕折辱諸將士將士益解體周延儒再入關勸隴內操撤諸監軍京兵班師還時營將率內臣私人不知兵兵惟注名支糧買替紛紜朝甲暮乙雖有尺籍莫得而識也帝屢旨訓練然日不過二三百人未嘗遂散營兵十萬倖抽驗不及玩愒佚罰者無算帝嘗問戎政侍郎王家彥彥曰今日惟嚴買替之禁改操練之法庶可救萬一然勢已晚帝不懌而羅十六年襄城伯李國禎總戎政內臣王承恩監督京營明年流賊入居庸關至沙河京軍出禦關礮聲潰而歸賊長驅犯關守陣者僅內操之三千人京師遂陷大率京軍積弱由於占役買閒其弊實起於統緒之營帥監視之中官竟以亡國云

(崇禎十一年)熊文燦在裕州馬進忠難汝才十三家賊聚南陽文燦下令殺賊者償死賊不肯從則賈金帛酒牢犒之名曰求賊帝謂得狀曰文燦大言無實文燦惡孫傳庭出關擊賊文燦不救而嗣昌已入政府掌中樞矣九月文燦次襄陽賊分踞鄭襄諸險諸將請戰文燦議分兵盧九德曰兵分則力弱一失利全軍搖矣莫若厚集其力而合擊之衆曰誓乃以叢事張大經監大將左良玉陳洪範軍以通判孔貞會監副將龍在田軍

戰於雙溝大破之斬首二千餘級汝才思登相率九營走均州李萬慶率三營走光固十一月京師戒嚴召
洪承疇孫傳庭入衛汝才等以爲討已也懼而叩太和山投符中官求攝於文燦許之處汝才及一丈青小秦
王一條龍四營於鄭縣處登相及王國常德安楊友賢王光恩五營於均州上言臣於李萬慶賀一龍馬光
及順天王主剿他皆主撫請赦汝才等罪授之官可之時京軍良玉軍皆以入衛行馬士秀杜應金遂叛於
許州初士秀等降良玉以其衆許之郊外許大州也良玉諸將寄學與賄焉良玉久征不歸士秀應金在文
燦軍中僞請急假良玉軍號入城夜半兵從府第出燒城南樓剽庫殺官吏挾其寶投萬慶萬慶者賊魁聞場
大也十二年三月良玉遣破降馬進忠使劉國能擊降萬慶士秀應金亦再降順天王已前死其黨順義王爲
其下所殺文燦遂上言臣兵威震懼降者接踵十三家之賊惟草左及馬光裕三部尙稽天誅可歲月平也帝
優詔報之順昌楊昌也

象昇提殘卒宿野外畿南三郡父老聞之咸叩軍門請曰天下洶洶且十年明公出萬死不顧一生之計爲
天下先乃奸臣在內孤忠見嫉三軍捧出關之檄將士懷西歸之心棲遲絕野一飽無時脫巾狂噪雲帥其見
告矣明公誠從愚計移軍廣順召集義師三郡子弟喜公之來皆以昔非公死賊今非公死兵同心戮力一呼
而裹粒從者可十萬孰與雙臂無援立而就死哉象昇泣然流涕而謂父老曰感父老義雖然自予與賊角經
數十百戰未嘗勦今者分疲卒五千大敵西衝援師東隅事由中制食盡力窮且夕死矣無徒累爾父老爲也

衆號泣雷動各搗牀頭斗粟餉軍或貽棗一升曰公煮粥糧

賊引而北犯延安傳庭策鄆州西合水東三四百里荒山窪谷賊入當自斃乃率標兵中部過其東檄變蛟虜
陽拒其西伏兵三水潛化間賊饒出掠食則大張旗幟鳴鼓角以邀之一日夜馳二百五十里賊大驚西奔至
鹽田莊遇伏而敗復走寶雞取棧道再中伏大敗折而走隴州關山道又爲伏兵所挫三敗賊死者無算過天

星混天星並降

傳庭孫傳庭也
隴田莊未聞

是時總理熊文燦主撫湖廣賊張獻忠已降惟河南賊如故羅汝才馬進忠賀一龍左金王等十三部竊據
關聯營數十里傳庭計曰天下大寇盡在此矣我出擊其西總理擊其東賊不降則滅此賊平天下無賊矣獻
忠印狙伏無能爲也乃遂引兵東大敗賊闕鄉靈寶山間貫其營而東復自東以西賊窘甚以文燦招降手諭
上曹旦夕且降傳庭曰爾曹日就熊公曹撫而日攻堡壘寨不已是僞也降卽解甲來有說卽非真降吾明日
進兵矣明日擐甲而出得文燦檄於途中曰毋妬吾撫功又進得本兵嗣昌手書亦云傳庭快快撤兵還

此亦孫傳

賊之再入秦也其渠魁號大隊者與大天王混天王爭管王四部連營東犯混天星過天星二部仍伏階文獨
關將李自以以三月自洮州出番地承喇令變蛟借假人龍追之連戰斬首六千七百有奇番地乏食賊多死
亡變蛟轉戰千里得不解甲者二十七晝夜餘賊潰入塞大弼駐洮州扼戰不力乃走入岷州及西和禮縣山

中變蛟遁剿賊伏匿不敢出惟大隊勢獨張六月光先自固原進兵賊已奔肅州清水光先追至秦州大隊及爭管王復走成縣階州爲變蛟所扼其別部號三隊及仁義王混天王降於光先而自成大隊及其黨祁總管避秦兵復謀犯蜀副將馬科賀人龍拒之將還走階文及西鄉憚變蛟乃走漢中又爲光先所扼大隊祁總管皆降惟自成東遁承曉令變蛟窮追而設三覆於潼關之南原變蛟追及大呼斫賊伏盡起賊屍相枕藉村民用大棒擊逃者自成妻女俱失從七騎遁去餘皆降是時曹兵最强各鎮依之以爲固變蛟曹文詔從子也

左良玉與總兵陳洪範大破賊於則西張獻忠假官旗號襲南陽屯於南關良玉適至疑而急召之獻忠逸去追及發兩矢中其肩復揮刀擊之面流血其部下救以免遂逃之穀城未幾請降良玉知其僞力請擊之文燦不許

〔十二年〕初張獻忠之降也擁兵萬人踞穀城索十萬人餉文燦及中外要人曰與之爲請官請地請關防矣獻忠列軍狀曰請備遣既而三檄其兵不應朝野知獻忠必叛也其後汝才降不肯釋甲及進忠萬陽等並降文燦以爲得策謂天下且無賊也五月獻忠遂反於穀城劫汝才於房縣於是九營俱反初均州五營懼見計自疑相與歃血拒獻忠無何亦叛去帝聞變大驚削文燦官戴罪視事七月良玉擊獻忠羅漢山敗績帝大怒命嗣昌來代嗣昌已至軍卽遣使逮文燦下獄坐大辟所親姚明恭柄國而不能救也十三年十月文燦竟棄

市文燦熊文燦也

楊嗣昌督師襄陽檄蜀軍受節度嗣昌以楚地廣衍賊難制驅使入蜀險阻賊不得逞感之可全勝又慮蜀重兵扼險賊將還毒楚調蜀精銳萬餘為己用蜀中卒自是益罷弱不足支矣捷春憤曰令甲失一城巡撫坐今以蜀委賊是督師殺我也爭之不能得

捷春部

楊嗣昌出督師肯堂奏言從古戡亂之法初起則解散勢成則剪除未有專任撫者今輔臣膺新命而出賊必仍用故技佯搖尾乞憐而失事諸臣冀掩從前敗局必多方獎惑仍進撫議請特申一令專務剿除有進招撫說者立置重典帝以偏執臆見責之

肯堂張

(十二年)楊嗣昌欲厚集兵力專守夔蜀蜀昌嗽賊官軍環攻之捷春曰棄隘口不守是延賊入戶也乃遣茂選及覃思岱等出關分守二將不相得思岱潛殺茂選捷春令兼統其眾其眾相率去賊入隘守者潰賊夜斬夔關將士大驚潰新甯大竹皆陷

捷春謂

自賊再入川諸將無一邀擊者嗣昌雖屢檄令不行其在重慶也下令赦汝才罪降則授官惟獻忠不赦斷書資萬金爵侯翌日自堂皇至庖廂徧題有新督師獻者資白金三錢嗣昌賊愕疑左右皆賊勒三日進兵會雨雲道斷復戒期三檄人龍不奉令初嗣昌表袁玉平賊將軍袁玉懷驕欲質人龍以抗之既以瑪瑙山功不果人龍恒反以情告袁玉袁玉亦恒語載袁玉人龍傳嗣昌雖有才然好自用躬親督過於繁碎軍行必自裁進止千里待報坐失機會王勳永書諫之不納及勳永罷官上冊於朝曰嗣昌用師一年陽平未奏此非謀

慮之不良正由操心之太苦也天下事難掣大綱則易獨萬目則難況賊情瞬息更變今舉數千里征伐機宜悉出嗣昌一人文牒往返動踰旬月坐失事機無怪乎經年之不戰也其間能自出奇者惟瑞璠山一役若必遵督轅號令夏玉當退守興安無此捷矣臣以爲陛下之任嗣昌不必令其與諸將同功罪但資其提衡諸將之功罪嗣昌之取諸將不必人人授以機宜但敷其機宜之當否則嗣昌心有餘閒自能決奇制勝何至久延歲月老師糜餉爲哉先是嗣昌以諸將進止不一納幕下評事元吉言用猛如虎爲總統張應元副之比賊入瀘州如虎及賀人龍趙光遠軍至賊復渡南溪越成都走漢州德陽綿州劍州昭化至廣元又走巴州達州諸軍疲極惟如虎驕其後嗣昌爲嗣昌也瑞璠山在太平縣

張獻忠陷瀘州其地三面阻江惟立石站可北走元吉以賊居絕地將遣大兵南擣其老巢而伏兵旁塞玉蟾寺賊賊北竄永川逆而擊之可盡殄永川知縣已先遁城中止丞簿一二人如虎覓嚮導不可得夜宿西關空會及抵立石賊已先渡南溪遁走關中將賀人龍軍隔水不擊賊遂越成都走漢州德陽渡綿河入巴州元吉如虎也

川撫邵捷春提賜卒二萬守重慶所倚惟夏玉及張令二軍綿州知州陸遜之罷官歸捷春使接營壘見夏玉軍部心異之夏玉爲置酒語遜之曰邵公不知兵吾一婦人受國恩誼應死獨恨與邵公同死耳遜之問故夏玉曰邵公移我自近去所駐重慶僅三四十里而遣張令守黃泥窪殊失地利賊據歸巫萬山巔俯瞰吾營鐵

暗建下張令必破令破及我我敗尙能救重慶急乎且督師以蜀爲重無能智知之邵公不以此時爭山奪險令賊無敢開我而坐以設防此敗道也邇之深然之已而捷春移營大昌監軍萬元吉亦進屯巫山與相應援其年十月張獻忠連破官軍於觀音巖黃嶺遂從上馬渡過軍夏玉僧張令急扼之竹箇坪挫其鋒會令爲賊所蹙夏玉燭救不克轉關復敗所部三萬人略盡乃單騎見捷春請曰事急矣盡發吾換嗣卒可得二萬我自願其半半餉之官猶足辦賊捷春見嗣昌與己左而倉無見糧謝其計不用夏玉乃歎忠歸時攜黃十三家賊橫蜀中有秦繼勳者夏玉族人也爲賊耳目被禽殺獄卒遁去夏玉捕執以獻無脫者張獻忠盡陷楚地將復入蜀夏玉圖全蜀形勢上之巡撫陳士奇請益兵守十三隘士奇不能用復上之巡按劉之勃之勃許之

而無兵可發

黃泥堡在巴縣東觀音巖在開州東南三黃嶺在開州西上馬渡在萬州竹箇坪俱疑在開州萬縣界

楊嗣昌薦夏玉雖敗有大將才兵亦可用遂拜平賊將軍當是時賊分爲三西則張獻忠踞楚蜀郊東則革裏眼左金王等四營乘突隨應麻黃南則曹操過天星等十營伏漳房興連閭閻正月夏玉合諸軍賊於枸坪關獻忠敗走夏玉乃請從漢陽西鄉入蜀追之嗣昌謀以陝西總督鄒崇儉率賀人龍李國安從西鄉入蜀而令夏玉駐兵興平別遣偏將追剿夏玉不從嗣昌檄夏玉曰賊勢似不能入川仍當走死奔界耳將軍從漢陽西鄉入川萬一賊從舊路疾趨平利仍入竹房將何以禦不則走甯昌入歸巫與曹操合我以大將尾追促賊民楚非算也夏玉報曰蜀地肥衍賊渡險任其奔軼後難制且賊入川則有糧可因回鄖則無地可掠其不復

軍獲明矣夫兵合則強分則弱今已留蜀國能守萬慶守鄭若再分三千人入蜀卽駐興平兵力已薄賊來能追之耶今當出其不意疾攻之一大創自然瓦解繼折回房竹間人跡斷絕彼從何得食況鄭兵扼之於前秦擁在紫興扼之於右勢必不得逞若曹昌歸巫險且連曹操獻忠不相下倘窮而歸曹必內相吞其亡立見良士已於二月朔涉蜀界之漁溪渡矣嗣昌度力不能制而其計良是遂從之時獻忠營太平縣大竹河良玉駐漁溪渡秦幾總督崇儉引其兵來會賊移軍九滾坪見瑯琊山峻險將據之良玉始抵山下賊已踞山巔乘萬鼓譟良玉下馬周覽者久之曰吾知所以破賊矣分所進道爲三己當其二秦兵當其一令曰聞鼓聲而上兩軍夾擊賊陣堅不可動鏖戰久之賊大潰墜崖澗者無算追奔四十里良玉兵斬掃地王曹威白馬鄧天王等渠魁十六人獻忠妻妾亦被禽遁入興山歸州之山中尋自縊并竄興歸界上是役也良玉功第一

良玉謂左良玉

梅坪關在興安西南大竹河在太平東北九滾坪瑯琊山俱在太平縣

初良玉受平賊將軍印璽職不肯受督師約束而賀人龍屢破賊有功嗣昌私許以人龍代良玉及良玉奏瑯琊山捷嗣昌語人龍須後命人龍大恨具以前語告良玉良玉亦內恨當獻忠之敗走也追且及遣其黨馬元利操重寶啗良玉曰獻忠在故公見重公所部多殺掠而關部猶且專無獻忠卽公滅不久矣良玉心動繼之去監軍萬元吉知良玉跋扈不可使勸嗣昌令前軍驍賊後軍繼之而身從間道出梓潼扼歸以俟濟師嗣昌不用賊既入蜀之巴州人龍兵謀而西歸召良玉兵合擊九滾皆不至十四年正月諸軍追賊開縣之黃陵城

參將劉士杰深入所營披靡獻忠登高望見無秦人旗幟而夏玉兵前部無關志獨士杰孤軍適密選壯士潛行營谷中乘高大呼馳下夏玉兵先潰總兵猛如虎潰圍出嗣昌方悔不用元吉言而獻忠已席卷出川西絕新開驛置楚蜀消息中斷遂以計紿入襄陽城襄王被執嗣昌不食卒賊瀕死復縱燄以亡國者以夏玉素驕塞不用命故也

夏玉左
夏玉也

(十四年)陳新甲薦傅宗龍才帝未有以應也夏久曰樸忠吾以夙實用之宜盡死力遂釋之出獄以兵部右侍郎兼右僉都御史代丁啟睿總督陝西三邊軍務當是之時李自成有衆五十萬自陷河洛犯開封羅汝才復自南陽趨鄧漸與合兵帝命宗龍專辦自成讎盡括關中兵餉以出然屬郡旱蝗已不能應九月四日以川陝兵二萬出關次新蔡與保督楊文岳兵會賀人龍李國奇將秦兵虎大威將保兵共結浮橋東渡汝合兵趨項城五日兩軍畢渡走龍口自成汝才亦結浮橋於上流將趨汝甯覘兩督兵至盡伏精銳於林中陽驅諸將自浮橋西渡人龍使後騎覘賊還報曰賊向汝矣結浮橋將渡矣宗龍文岳夜會諸將於龍口詔朝將戰大日兩軍並進中道一騎馳而告曰賊畢渡矣復進一騎馳而告曰賊半渡矣三乃渡其二矣宗龍文岳曰驅之走三十里至於孟家莊日卓午人龍大威曰馬力乏矣請朝而戰止兵爲營諸軍弛馬甲植戈鏐散行墟落求覓牧賊覘之塵起於林中伏甲並出搏我兵人龍有馬千騎不戰國奇以麾下兵迎擊之不勝秦兵保兵俱潰人龍大威奔沈邱國奇從之三帥師潰宗龍文岳合兵屯火燒店賊以步兵攻其營諸軍鳴大礮震死賊百餘日

事賊引去宗龍軍西北文岳軍東南甞整而守保兵齊濟保督副將挾文岳曉而馳夜奔於項城宗龍復分
兵立營於東南諸將分壁當賊壘九日檄人龍國奇選兵救二帥不應宗龍曰彼避死宜不來吾豈避死哉
其麾下曰宗龍老矣今日陷賊中當與諸軍決一死戰不能效他人捲甲走也召裨校李本實卽文岳壁穿壘
築壘以拒賊賊亦穿壘二重以圖之十一日秦師食盡宗龍殺馬驪以享軍明日營中馬驪盡殺賊取其屍分
噉之十八日營中火薪給子矢並盡宗龍簡士卒與傷死喪之餘有衆六千夜半潛勒諸軍夾賊營殺千餘人
潰圍出諸軍星散宗龍徒步率諸軍且戰且走十九日日卓午未至項城八里賊追及之執宗龍呼於門曰秦
督國隨官丁也請啟門納秦督宗龍大呼曰我秦督也不幸墮賊手左右皆賊耳賊唾宗龍宗龍罵賊曰我大
臣也殺則殺耳豈能爲賊賊城以綏死哉賊抽刀擊宗龍中其腦而仆斷其耳鼻死城下事聞帝曰若此可謂

樸忠矣

龍口在項城南五家莊
在新寨火燒店在沈邱

是時關中精銳盡沒於項城番年曰兵疲餽乏當方張之寇我出如以肉餵虎耳然不可不一出以持中原心
乃收散亡調邊卒得馬步三萬人十五年正月率總兵賀人龍鄭嘉棟牛成虎出潼關先是臨穎爲賊守左頁
玉破而屠之邊獲賊所據自成關之怒合開封而攻頁玉頁玉退保鄆城賊圍之急番年諸將議曰鄆城危在
旦夕吾趨鄆賊方銳難與爭鋒吾聞襄城距鄆四舍賊老弱咸在吾合鄆而以精銳攻其必應賊必還兵救則
鄆城解矣鄆城解我擊其前頁玉乘其背賊可大破也諸將皆曰善乃留步兵火器於洛陽簡精騎萬人兼程

進次郿縣襄城人張永祺等迎喬年二月二日喬年入襄城分人龍嘉棟成虎軍三路駐城東四十里逼郿城而軍而自勒兵駐城外賊果解郿城而救襄城賊至三帥奔夏玉救不至軍大潰喬年歎曰此吾死所也率步卒千餘入城守賊穴地實火藥攻城喬年亦穿阱視所鑿長矛刺之賊礮擊喬年坐礮雉堞盡碎左右環泣請避之喬年怒以足蹴其首曰汝畏死我不畏死也二十七日城陷巷戰殺三賊自刎不殊爲賊所執大罵賊割其舌磔殺之襄城人建祠而祀之初喬年之撫陝西也奏詔發自成先塚米脂令邊大受河間靜海舉人僞令也嗣得其族人爲縣吏者掠之曾去縣二百里曰李氏村亂山中十六塚環而葬中其始祖也相傳穴仙人所定塚中鐵燈架鐵燈不滅李氏興如其言發之蟻蟻數石火光熒熒然新棺骨青黑被體黃毛腦後穴大如錢赤蛇盤三四寸角而飛高丈許昨昨吞日光者六七反而伏喬年囚其顙骨脂蛇以聞焚其餘雜以穢藥之自成聞之嚙齒大恨曰吾必致死於喬年喬年注喬年也

楊文岳在汝甯夜襲賊營有功賊既潮開封旋敗孫傳庭兵以閏十一月悉衆薄汝甯老狗洞革裏眼左金王等畢會文岳遣都司康世德以輕騎偵賊世德走還汝將其步騎五百夜縱火噪而奔十三日羣賊並至壓汝甯五里而止監軍僉事孔貞會以川兵屯城東文岳以保兵屯城西賊兵進攻相持一晝夜川兵潰殺傷數百賊奪其馬驟悉衆攻保兵漸不支僉事王世琮知府傅汝爲通判朱國寶總將士入城副將賈悌參將馮名聖亦接文岳與會登城明日賊四面環攻賊扉以陣矢石雲梯堵牆而立城頭矢礮掃石雨集賊死傷山積而攻

不休一數百道並懸執文岳及世襲國寶名理於城頭殺汝陽知縣文師頭於城上汝爲陷變赴水死賊擁文岳等見虜成大罵賊怒縛之城南三里鎗以大礮擊之洞胸糜骨而死

李自成陷洛陽乘勝遂圍開封巡撫李仙鳳時在河北名衛集衆守周王荊楊驛庫金百萬兩募死士殺賊燕米屑麥執贖以餉軍凡七晝夜仙鳳馳還開封副將陳永福背城而戰斬首二千游擊高謙夾擊斬首七百賊解去仙鳳既還與名衛互許奏帝以陷福藩罪詔逮仙鳳以襄陽兵備副使張克儉代克儉已前死難卽擢名衛右僉都御史代之以永福充總兵官都督僉事鎮守河南當是時賊連陷南陽鄧汝十餘州縣唐徽二王遇害名衛不能救開封周邸圖書文物之盛甲他藩士大夫堅蓄積充初自成攻之不能克然欲得而甘心焉十二月杪賊再圍開封永福射自成中其左目礮殛上天龍等自成大怒急攻之開封故宋汴都金帝南遷所重集也厚數丈內堅緩而疏外賊用火藥放迸火礮卽外擊紅旗飛礮賊皆糜爛自成大驚會楊文岳援兵亦至乃解圍去西華鄭襄陽陳大康商邱甯陵考城俱陷四月復至開封圍而不攻欲坐困之六月帝詔釋故尙書侯恂於獄命督保定山東河北湖北諸軍務並轄平賊等鎮援剿官兵拔知縣蘇京王漢王鑾爲御史詔蘇京監廷甯甘固軍總孫傳庭出關王漢監平賊鎮標楚蜀軍同侯恂等急擊王鑾監陽懷東晉軍刻期渡河總兵許定國以晉軍次沁水一夕潰去甯武兵亦潰於懷慶詔逮定國七月河上之兵潰晉師丁敗甯保督楊文岳合左良玉虎大威楊德政方國安諸軍次於朱仙鎮良玉走還襄陽諸軍皆潰敗尋文岳奔汝甯詔山東

總兵官劉澤清援開封城中食盡名衡永福借監司梁炳蘇壯吳士麟同知蘇茂灼通判彭士奇推官黃澍等
守益盛澤清以兵來援諸軍並集河北朱家寨不敢進澤清曰朱家寨去開封八里我以兵五千南渡依河而
營引水環之以次結八營直達大堤築甬道輸河北之粟以餉城中賊兵已老可一戰走也諸軍皆曰善乃以
兵三千人先渡立營賊攻之戰三晝夜諸軍無繼者甬道不就澤清拔營歸日夜望傳庭出關不至賊圍開封
者三士馬損傷多積憤誓必拔之國半年師老糧匱欲決黃河灌之以城中子女貨寶猶豫不決問秦師已東
恐諸鎮兵夾擊欲變計會有獻計於巡按御史嚴雪京者請決河以灌賊雪京語名衡澍名衡澍以為然周王
恭楊募民築羊馬牆堅厚如高岸賊營直傳大堤河決賊可盡城中無虞我方鑿朱家寨口賊知移營高阜縱
船巨筏以待而驅掠民夫數萬反決馬家口以灌城九月癸未望夜半二口並決天大雨連旬黃流驟漲聲聞
百里丁夫荷鍤者隨堤漂沒十數萬賊亦沉萬人河入自北門貫東南門以出流入於渦水名衡永福乘小舟
至城頭周王率其宮眷及甯鄉諸郡王避水樓城樓坐兩絕食者七日王壅以舟迎王王從城上泛舟出名衡
等皆出茂灼士奇久餓不能起並溺死賊俘艦入城遺民俱盡拔營而西城初圍時百萬戶後饑疫死者十二
三汴梁佳麗甲中州羣盜心嚮之至是盡沒於水帝聞痛悼

名衡高
名衡也

楊嗣昌知賊必出川遂統舟師下雲陽檄諸軍陸行追賊人龍軍既謀而西頓兵廣元不進所恃惟如虎比與
賊戰則賊黃陵城大敗將士死亡過半如虎突圍免馬羣關防盡為賊有初賊竄南溪元吉欲從間道出梓潼

扼歸路以待賊嗣昌檄諸軍躡賊疾迫不得拒賊連令他逃諸將乃盡從漢州還後賊折而東返歸路盡空不可復過嗣昌始悔不用元吉言賊遂下夔門抵興山攻富陽犯荊門嗣昌至夷陵檄良玉兵使十九返夷王撤興房兵趨漢中若相避然賊所至燒驛舍殺擠卒東西消息中斷鄖陽撫治袁繼咸聞賊至富陽急謀發兵獻忠令汝才與相持而自以輕騎一日夜馳三百里殺督師使者於道取軍符以二月十一日抵襄陽近郊用二十八騎持軍符先馳呼城門督師調兵守者合符而信入之夜半從中起城遂陷獻忠縛襄王暨堂下屬之酒曰吾欲斷楊嗣昌頭嗣昌在遠今借王頭俾嗣昌以陷藩伏法王努力盡此酒遂害之未幾渡漢水走河南與賀一龍左金王諸賊合嗣昌初以襄陽重鎮仍深溝方壘而三環之造飛梁設橫板陳利兵而譏訶非符要合者不得渡江漢間列城數十倚襄陽爲天險賊乃出不意而破之嗣昌在夷陵驚悸上疏請死下至荊州之沙市聞洛陽已於正月被陷嗣王過害益憂懼遂不食以三月朔日卒年五十四

帝嘗問京營軍何以使者盡精汰者不諱姓對曰京營邊勇營爲二千專練騎射壯丁二萬專練火器廩給厚而技與散兵無異宜行分練法技精者散兵拔爲邊勇否則邊勇降爲散兵壯丁亦然老弱者汰補軍弊當以漸不可使知有汰兵意帝然之又問別立威營能得堪戰者五萬否姓對京營兵合堪戰承平日久發兵剿賊輒沿途僱充將領利月餉游民利剽賊歸營則本軍復充伍今練兵法要在選將有戰將自有戰兵五萬非難但法忌紛更不必別立戰營也

李自成再圍開封巡撫名銜總兵陳永福力拒之射中自成目礮上天龍等自成益怒自成每攻城不用古梯衝法專取輓輓得一輓卽歸營以後者必斬取輓已卽穿穴穴成初僅容一人漸至百十次第傳土以出過三五步留一土柱繫以巨絙穿畢萬人曳絙一呼而柱折城崩矣名銜於城上擊橫道聽其下有聲用毒穢灌之多死賊乃卽城壞處用火攻法實藥壘中火然藥發當者輒糜碎名曰放迸十五年二月城半圯賊用放迸法攻之鐵騎數千馳譟伺城頽卽擁入城城故宋汴都金人所重築也厚數丈土堅火外擊賊騎多斃自成駭而去

(十五年)御史楊若橋薦西洋人湯若望營火器請召試宗周曰邊臣不講戰守屯戍之法專恃火器近來陷城破邑豈無火器而然我用之制人人得之亦可制我不見河間反爲火器所破乎國家大計以法紀爲主大帥跋扈援師逗遛奈何反始慮爲此紛紛無益之舉耶因譴督撫去留則請先去督師范志完且曰十五年來陛下處分未嘗致有今日敗局不追禍始更移易轍欲以一切苟且之政補目前罅漏非長治之道也帝變色曰前不可追營後安在宗周曰在陛下開誠布公公天下爲好惡合國人爲用舍進賢才開言路次第興天下更始帝曰目下烽火逼畿甸且國家敗壞已極當如何宗周曰武備必先練兵練兵必先選將選將必先擇賢督撫擇賢督撫必先吏兵二部得人宋臣曰文官不愛錢武官不惜死則天下太平斯言今日鍼砭也論者但論才望不問操守未有操守不謹而遇事敢前軍士畏威者若徒以議論捷給舉動恢張稱曰才望取爵位則

有餘實事功則不足何益成敗哉帝曰機變之日先才後守宗周曰前人敗壞皆由貪縱使然故以濟變言愈
宜先守後才帝曰大將別有才局非徒操守可望成功宗周曰他不具論如范志完操守不謹大將偏裨無不
由賄進所以三軍解體由此觀之操守爲主帝色解曰朕已知之宗周曰

起孫傳庭兵部右侍郎親御文華殿問剿賊安民之策傳庭侃侃言帝嚙歎久之燕勞賞資甚渥命將禁旅援
開封開封圍已解賊殺陝督汪喬年帝卽命傳庭往代大集諸將於關中縛擒剿總兵賀人龍坐之麾下數而
斬之謂其開縣噪歸猛帥以孤軍失利而獻曹出柙也又謂其逼敵先潰新蔡襄城連喪二督也諸將莫不洒
然動色者傳庭既已誅殺人龍威讐三邊日夜治軍爲平賊計而賊遂已再圍開封詔御史蘇京監延甯甘固
軍應傳庭出關傳庭上言兵新募不堪用帝不聽傳庭不得已出師以九月抵潼關大雨連旬自成決馬家口
河溜出封開封已陷傳庭趨南陽自成西行逆棄師傳庭設三覆以待賊牛成虎將前軍左勦將左鄭嘉棟將
右高傑將中軍成虎陽北以誘賊賊奔入伏中成虎還兵而關高傑董學禮夾起翼之左勦鄭嘉棟左右橫擊
之賊潰東走斬首千餘追三十里及之鄭縣之塚頭賊竊甲仗軍資於道蔡兵趨利賊覘我軍奮反兵乘之左
勦蕭慎鼎之師潰諸軍皆潰副將孫枝秀躍馬以追賊擊殺數十騎賊兵圍之喊突不得出馬驟被執植立不
撓以刃臨之瞠目不答一人曰此孫副將也遂殺之參將熊尙仁亦被執不屈而見殺覆軍數千材官小將之
死者張映奎李棲鳳任光裕戴友仁以下七十有八人賊僭獲其所喪馬傳庭走鞏由孟入關執斬慎鼎副勦

馬以二千以勦父光先故貨勦是役也天大雨糧不至士卒採青柿以食源且餒故大敗豫人所謂補國之役也傳庭既已敗歸陝西計守潼關扼京師上游且我軍新集不利速戰乃益募勇士開屯田繕器械粟三家出壯丁一火車載火礮甲仗者三萬輜戰則驅之拒馬止則環以自衛督工苛急夜以繼日秦民不能堪而關中賴歲饑駐大軍餉乏士大夫厭苦傳庭所爲用法嚴不樂其在秦相與譁於朝曰秦督寇矣又相與危語惻隱之曰秦督不出關收者至矣明年五月命兼督河南四川軍務轉進兵部尙書改稱督師加督山西湖廣貴州及江南北軍務賜劍褶戰益急傳庭頓足歎曰奈何乎吾固知往而不返也然大丈夫豈能再對獄吏乎頃之不得已遂再議出師總兵牛成虎將前鋒高傑將中軍王定官撫民將延甯兵爲後勁白廣恩統火車營檄左良玉赴汝甯夾擊當是時自成已據有河南湖北十餘郡自號新順王設官置戍營襄陽而居之將由內浙窺商雒盡發荆襄兵會於汜水榮澤伐竹結筏人佩三葫蘆將謀渡河傳庭分兵防禦八月十日傳庭出師潼關次於閿鄉二十一日師次陝州檄河南諸軍渡河進剿九月八日師次汝州僞都尉四天王李養純降養純言賊虛實諸賊老營在唐縣僞將吏屯寶豐自成精銳盡聚於襄城遂破賊寶豐斬僞州牧陳可新等遂擣唐縣破之殺家口殆盡賊滿營哭轉戰至陝縣遂禽僞果毅將軍謝君友斫賊坐轂尾自成幾獲賊奔襄城大軍遂進逼襄城賊懼謀降自成曰無畏我殺王焚陵罪大矣姑決一死戰不勝則殺我而降未晚也而大軍時皆無食賊持久雨道清糧車不能前士饑攻州破之獲馬贏數之立盡雨七日夜不止後軍譁於汝州賊大至

流雷四起不得已還軍迎糧留陳永福爲後拒前軍既移後軍亂永福斬之不能止賊追及之南陽官軍還戰賊陣五重饑民以外次步卒大馬軍又次騎騎若營家口處內戰破其三重賊騎殊死鬪我師陣稍動廣恩軍將火車者呼曰師敗矣脫輓輅而奔車傾蹙道馬絀於衝不得前賊之鐵騎凌而騰之步賊手白楮遮擊中書首兜鑿俱碎自成空壁隔我一日夜官兵狂奔四百里至於孟津死者四萬餘失亡兵器輜重數十萬傳庭單騎渡垣由山陽縣濟賊獲督師坐轎乘勝破潼關大敗官軍傳庭與監軍副使喬遷高躍馬大呼而死於陣廣恩降賊傳庭屍竟不可得傳庭死關以內無堅城矣初傳庭之出師也自分必死顧語繼妻張夫人曰爾若何夫人曰丈夫報國耳毋憂我及西安破張率二女三妾沉於井揮其八歲兒世甯亟避賊去之兒踰牆墮民舍中一老翁收養之長子世瑞聞之重跣入寨得夫人屍并中面如生翁歸其弟世甯相扶攜還道路見者知與不知皆泣下傳庭死時年五十有一矣傳庭再出師皆以兩敗也

馬家口在關對北

當是之時賊十三家七十二營降師殆盡惟李自成張獻忠存自成尤強據襄陽以河洛荆襄四戰之地關中其故鄉士馬甲天下據之可以圖決策西向懼潼關天險將自浙川龍車寨間道入陝西傳庭聞之令師孔率四川甘肅兵駐商雋爲犄角而師孔趨戰無何我師敗績於南陽賊遂乘勝破潼關大隊長驅勢如破竹師孔棄寨守西安人或告師孔趨師致敗也

師孔獨歸孔也

龍在田上疏曰臣以石屏世弁因流氛震陵奮激國難捐貲募精卒九千五百戰衆四戰馬二千入楚破賊

賊不敢窺江北陵寢漢兵有力焉五戰捷二十有八忌口中阻逼臣病歸自臣親藩辱名城屢陷臣妄謂討寇必須南兵蓋諸將所統多烏合遇寇即逃乏餉卽譟漢兵萬里長驅家人父子同志非若他軍易潰也且一歲中秋冬氣涼賊得騁春夏卽入山避暑養銳而出故其氣益盛夫平原戰既不勝山蹕又莫敢擣師老財殫蕩平何日漢兵輕走連跳督搜山臣願整萬眾力掃秦楚豫皖諸寇不滅不止望速給行糧沿途接濟臣誓捐軀報國言而不效甘伏斧鑕帝壯之下兵部議寢不行

李自成復圍開封乃釋故尙書初賈玉者侯恂於獄起爲督師發帑金十五萬犒賈玉營將士激勵之賈玉及虎大威楊德政會師朱仙鎮賊營西官軍營北賈玉見賊勢盛一夕拔營遁衆軍望見皆潰自成戒士卒待賈玉兵過從後擊之官軍幸追者緩疾馳八十里賊已於其前寧整深廣各二尋環繞百里自成親率衆遮於後賈玉兵大亂下馬渡溝僵仆溝谷中趾其顛而過賊從而蹂之軍大敗棄馬騾萬四器械無算賈玉走襄陽帝聞賈玉敗詔恂拒河圍賊而令賈玉以兵來會賈玉畏自成遲延不至九月開封以河決而亡

（十六年）蔡懋德督師於太原布政使趙建極監司毛文炳副中畢拱辰太原知府孫康國晉陽曲縣事長史范志等官吏軍民咸在懋德哭衆皆哭罷官命適至或請出城候代懋德不可曰吾已辦一死矣景昌卽至吾亦與俱死調陽和兵三千協守東門剛中慮其內應移之南關之外遣部將張維分守新南門召中軍副總兵應時盛入參謀蔡懋德等登城二月五日賊至城下遣部將牛勇朱孔訓王永魁出戰死之明日自成具

幽傳晉東攻城陽和兵叛降賊又明日晝時懋德草遺表須臾大風起拔木揚砂調張雄守大南門雄已縋城
出降其黨曰城東南角樓火器火藥皆在我下卽焚樓夜中火起風轉烈守者皆散賊登城懋德北面再拜
出遺表付友人賈士璋問道達京師肅人曰吾學道有年已勘了死生今日吾致命時也卽自剄麾下持之時
懋德請下城巷戰顧懋德曰上馬懋德上馬時懋持矛突殺賊數十人至炭市口賊踰充斥時懋呼曰出西門懋
德遽下馬曰我當死封疆諸君自去衆復擁懋德上馬至水西門懋德叱曰諸君欲陷我不忠耶復下馬據地
時坐盛已出城殺妻子追顧不見復研門入語懋德曰請與公俱死遂偕至三立祠懋德就縊未絕時盛釋甲
加其肩乃絕時盛取弓弦自經建極危坐公堂賊擁之見自成不屈將斬之下墻呼萬歲者再曰臣失守封疆
死有餘罪自成以爲呼己也與還建極瞋目曰我呼大明皇帝甯呼賊耶立射殺之時自成執晉王據王宮云
文炳被殺妻趙妾李亦投井死子兆夢甫數歲賊掠去士民以其忠臣子也賁而歸之欲降則中不從殺之曾
既墮復躍起丈餘賊皆辟易賊適得新刀拱辰睨之問何睨曰欲得此研頭耳遂取斬之康國巷戰死志泰不
食死自懋德而下太原死事凡四十有大人賊皆尸之城上自成恨懋德之不降也驗其尸以刃斷頸而去
李自成陷西安傳檄榆林招降總兵官王定懼率所部精兵棄城走時巡撫張鳳翼未至城中士馬單弱人心
惴惴布政使都任取集副將惠顯參將劉廷傑等與里居將帥世威及王世欽王世國侯世祿侯拱極王學書
故延綏總兵李昌齡議城守衆推世威爲主帥無何賊十萬衆陷延安下綏德復遣使說降廷傑大呼曰長安

雖破三邊如故賊皆中州子弟殺其父兄而驅之戰必非所願榆林天下勁兵一戰奪其氣然後約甯夏固原爲三師迭進賊可平也衆然其言乃歃血誓師簡卒乘繕甲仗各出私財佐軍守具未備賊已抵城下廷傑募死士乞師套部師將至賊分兵却之攻城甚力官軍力戰殺賊無算賊益衆來攻起飛樓逼城中矢石交至世威等戰益厲守七晝夜賊乃穴城置大礮轟之城遂破世威等猶督衆巷戰婦人暨子亦發屋瓦擊賊賊屍相枕藉既而力不支任死之侯世祿父子及學書俱不屈死賊怒廷傑勾套部磔之至死罵不絕口世威世欽世國昌齡並被執縛至西安自成坐秦王府欲降之四人不屈滕自成曰諸公皆名將助我平天下取封侯可乎衆罵曰汝驕卒敢大言侮我自成笑前解其縛世欽唾曰驕卒毋近前汗將軍衣自成怒皆殺之時顯亦被執大罵賊賊惜其勇繫至神木服毒死

世威尤世祿也

左良玉兵八十萬號百萬前五營爲親軍後五營爲降軍每春秋肄兵武昌諸山一山輒一色山谷爲滿軍法用兩人夾馬馳曰過對馬足動地殷如雷聲聞數里諸鎮兵惟高傑最強不及良玉連甚然良玉自朱仙鎮之敗精銳略悉其後歸者多烏合軍容雖壯法令不復相恤良玉家藏於許州其在武昌諸營優娼歌舞達旦良玉塊然獨處無姬侍寄夜宴僚佐召營妓十餘人行酒腹易交錯少焉左顧而歎以次引出賓客肅然左右莫敢仰視其統取有體爲下所服多此類而是時良玉已老且病無中原意矣

高傑進副總兵與總兵白廣恩爲軍鋒兩人皆降將也廣恩嘗從素不奉約束而傑尤兇暴朝廷以傑驕自成

所切齒故命隸傳庭辦賊九月從傳庭克寶豐復邠縣時官軍乘勝深入乏食降將李際遇賊自成帥精騎大至傳庭問計於諸將傑請戰廣恩不可傳庭以廣恩爲怯廣恩不懌引所部遁去官軍接戰陷伏中傑登嶺上望之曰不可支矣亦麾衆退軍遂大奔死者數萬廣恩走汝州不救傑乃隨傳庭走河北已而自山西渡河轉入潼關廣恩已先至十一月自成攻關廣恩力戰而傑怨廣恩以寶豐之敗不救己亦擁衆不肯救廣恩戰敗關遂破傳庭被殺自成破西安據之

馮元綱頗能料事孫傳庭治兵關中元綱謂不可輕戰廷臣多言不戰則賊益張兵久易懦元綱謂將士習儒未經行陣宜致賊而不宜致於賊乃於帝前爭之曰請先下臣獄俟一戰而勝斬臣謝之又貽書傳庭戒毋輕關白高兩將不可任傳庭果敗將歸薦李邦華史可法自代帝不用

東陽諸生許都者副使選道孫也家富任俠好施陰以兵法部勒賓客子弟思得一當子龍嘗薦諸上官不用東陽令以私憾之適義烏奸人假中貴名招兵事發都葬舟山中會者萬人或告監司王雄曰都反矣雄據遣使收捕都遂反旬日間聚衆數萬連陷東陽義烏浦江遂逼郡城既而引去巡撫董象恒坐事逮代者未至巡按御史左光先以撫標兵命子龍爲監軍討之稍有俘獲而遊擊蔣若來破其犯郡之兵都乃率餘卒三千保南岩雄欲撫賊語子龍曰賊聚糧據險官軍不能仰攻非曠日不克我兵萬人止五日糧奈何子龍曰都舊識也請往察之乃單騎入都營責數其罪曉令歸降待以不死遂挾都見雄復挾都走山中散遺其衆而以二百

人降光先與東陽令管寬斬都等六十餘人於江渚子龍爭不能得以定亂功堪兵科給事中命甫下而京師

陷

子龍陳子龍也
南寨在東陽縣

李自成自號奉天倡義大元帥號羅汝才代天撫民威德大將軍分其衆曰標營領兵百隊曰先後左右營各領兵三十餘隊標營白幟黑線自成獨白幟大纛銀浮屠左營幟白右排前黑後黃纛隨其色五營以序直晝夜次第休息巡徼嚴密逃者謂之落草磔之收男子十五以上四十以下者爲兵精兵一人主御軍械執鏐者十人軍令不得藏白金過城邑不得室處妻子外不得攜他婦人寢興悉用單布幕絛甲厚百層矢礮不能入一兵倅馬三四匹冬則以茵褥藉其臥剖人腹爲馬槽以飼馬馬見人輒鋸牙思噬若虎豹軍止卽出較騎射曰站隊夜四鼓靜食以聽令所過崇岡峻坂騰馬直上水惟憚黃河若淮泗涇渭則萬衆翹足馬背或抱鐵線尾呼風而渡馬嘶所墮開水爲不流臨陣列馬三萬名三堵牆前者返顧後者殺之戰久不勝馬兵佯敗誘官兵步卒長槍三萬擊刺如飛馬兵回擊無不大勝攻城迎降者不殺守一日殺十之三二日殺十之七三日屠之凡殺人束屍爲燈謂之打死城將陷步兵萬人環墜下馬兵巡徼無一人得免獻忠雖至殘忍不逮也諸營較所獲馬騾者上賞弓矢鉛銃者次之幣帛又次之珠玉爲下自成不好酒色脫粟粗糲與其下共甘苦汝才妻妾數十被服綺綺帳下女樂數部厚自奉養自成嘗嘆鄒之汝才衆數十萬用山西舉人吉珪爲謀主自成嘗攻汝才嘗戰兩人相須若左右手自成下宛葉克梁宋兵強士附有專制心顧獨忌汝才乃召汝才所善賈

一龍宴縛之晨以二十騎斬汝才於帳中悉焚其衆自成在中州所略城輒焚燬之當是時十三家七十二營諸大賊降死殆盡惟自成獻忠存而自成獨勳遂自稱曰新順王集牛金星等議兵所向金星請先取河北直走京師楊永裕請下金陵斷燕都糧道從事顧君恩曰金陵居下流事雖濟失之緩直走京師不勝退安所歸失之益關中大王桑梓邦也百二河山得天下三分之二宜先取之建立基業然後旁略三邊資其兵力攻取山西後向京師庶幾進戰退守萬全無失自成從之傳庭之敗於柿園而歸陝也大治兵制火車二萬輛募壯士使白廣恩高傑將欲俟賊饋而擊之朝議日督戰不得已出關以牛成盧光祖爲前鋒由靈寶入洛高傑爲中軍總廣恩從新安來會河南將陳永福守新鄭四川將齊賢明出商洛爲犄角前鋒敗賊渾池至寶豐再拔其城次郊自成率萬騎還戰復大敗幾被禽會天大雨道滑輜車不進自成遣輕騎出汝州要截糧道傳庭乃分軍三令廣恩從大道令高傑親隨從間道迎糧令永福守營傳庭既行永福兵亦爭發不可禁遂爲賊所躡至南陽傳庭還戰賊陣五重官軍克其三已而稍却火車奔騎兵亦大奔賊縱鐵騎踐之傳庭大敗自成空壁追一日夜踰四百里官軍死者四萬餘人失兵器輜重數十萬傳庭奔河北轉趨潼關氣敗沮不復振冬十月自成陷潼關傳庭死

李自成先遣游兵入故關掠大名真定而北身率衆賊並邊東犯陷大同巡撫衛景瑗總兵朱三樂死自成殺代王傳燭代藩宗室殆盡犯宣府總兵姜瓖迎降巡撫朱之鶴死遂犯陽和由柳溝逼蔚州總兵官唐通太監

杜之秩迎降三月十三日焚昌平總兵官李守鑽死始賊欲偵京師虛實往往陰遣人簞重貨賈販都市又令充部院諸掾吏探刺機密朝廷有謀議數千里立馳報及抵昌平兵部發騎探賊輒勾之降無一還者賊游騎至平則門京師猶不知也

故關即固關在平定州東柳溝在陽和東南

肅汝霖疏陳用將之失言自偏裨至副將歷任有功方可授節鉞今足未履行陣幕府已上首功胥吏提虎旅執符子擢兵符何由奮敵愾若大將之選宜召副將有功者時賜面對擇才者用之廷臣推擇有誤宜用文吏保舉連坐法帝納其言已曾楊嗣昌未罪虛象昇未獲殊挫忠義氣至楊嗣昌畫策斂餉驅中原萬姓為盜者原任給事中沈迅也為嗣昌運籌以三千人駐襄陽城破賊走者監紀主事前曾也為嗣昌援引遭喪濟之陷重賂陳新甲嫁禍鄧綢袁繼咸者今解任候代之宋一鶴也皆誤國之臣宜罪不報京師戒嚴汝霖分守東直門嘗召對言將不任戰敵南北往返隨其後如磨練之於貴官員勢前驅望塵靡及何名為將何名為督師帝深然之已言有司察處者不得濫舉邊才監司察處者不得遽驅巡撫庶封疆重任不為匪人借途又言自戒嚴以來臣疏凡二十上獲剿機宜百不行一而所擢敵情不幸言中矣比者外縣難民紛紛入都皆云避兵不云避敵霸州之破敵猶不多殺掠官軍繼至始無孑遺朝廷歲費數百萬金錢以養兵豈欲毒我赤子帝惡其中有歎泣地下語竊為福建按察司照磨

(十七年)賊遂陷忻州國代州遇吉先在代遇其北犯乃憑城固守而潛出兵奮擊連數日殺賊無算會食盡

誓絕退保甯武賊亦躍至大呼五日不降者屠其城過吉四面發大礮殺賊萬人火藥且盡外國轉急或請甘
曹給之過吉怒曰若輩何快邪今能勝一軍皆忠義卽不支縛我子賊於是設伏城內出驍卒誘賊入城亟下
間殺數千人賊用礮攻城垣復完者再傷其四驍將自成懷欲退其將曰我衆百倍於彼但用十攻一番進萬
不勝矣自成從之前隊死後復繼官軍力盡城遂陷過吉巷戰馬驟徒步跳踴手格殺數十人身被矢如刺竟
爲賊執大罵不屈賊懸之高竿並射殺之復縛其肉城中士民感過吉忠義巷戰殺賊不可勝計其舍中兒先
從過吉出關死亡略盡夫人劉氏素勇健亦婦女數十人據山巔公廩登屋而射每一矢斃一賊賊不敢逼縱
火焚之闕家盡死自成集衆計曰甯武雖破吾將士死傷多自此遷京師歷大同陽和宣府唐府皆有重兵倘
盡如甯武吾部下甯有子遺哉不如還秦休思國後舉刻期將遁而大同總兵姜瓖降表至自成大喜方宴其
使者宣府總兵王承慶表亦至自成益喜遂決策長驅歷大同宣府抵居庸太監杜之秩總兵唐通復開門延
之京師遂不守矣賊每語人曰他鎮復有一周總兵吾安得至此福王時贈太保陸忠武列祀旌忠祠

鄉兵者隨其風土所長應募調佐軍旅緩急其隸軍籍者曰浙兵義烏爲最處次之台甯又次之晉狼狽間以
义渠戚繼光製爲營陣以破倭及守前門最有名曰川兵曰遼兵崇禎時多調之剿流賊其不隸軍籍者所在
多有河南嵩縣曰毛葫蘆習短兵長於走山而嵩及盧氏靈寶永甯並多破兵曰角腦又曰打手山東有長竿
手徐州有箭手井陘有礮手晉運石達可及百步關津泉習礮牌水戰爲最泉州永春人善技擊正統間郭

榮大者破沙尤賊有功商賈墮丁以私販爲業多勦果成化初河東鹽徒千百成羣自備火礮弱弩車仗雜官軍逐寇而松江曹涇鹽徒真靖中逐倭至島上焚其舟後倭見民家有鹽輒搖手相戒粵東雜蠻習長牌斫刀而新會東莞之產強半延綏固原多邊外土著善騎射英宗命簡練以備秋防大饑峽之役韓雍用之以摧搖穢之用牌刀者莊浪魯家軍舊隸隨駕中洪熙初令土指揮領之萬歷間部臣稱其曉健爲敵所畏宜鼓舞以儲邊用西甯馬戶八百嘗自備騎械赴敵後以款賈裁之萬歷十九年經略鄒維時復其故又僱兵有少林伏牛五臺倭亂少林僧應募者四十餘人戰亦多勝西南邊服有各土司兵湖南永順保靖土宣慰所部廣西東蘭那地南丹歸順諸徭民四川酉陽石砫黎民冉氏諸司宣力最多永年邊事急有司專以調三省土司爲長策其利害亦恆相半云

教練軍士律騎卒必習馳射槍刀步兵必習弓弩槍步射以十二矢之半達可到近可中爲程達可到將弁百六十步軍士百二十步近可中五十步戰弩以十二矢之五達可到敵張八十步划車六十步槍必進退熟習在京衛所以五千人爲率取其一指彈以下官領赴御前驗試餘以次番試在外都司衛所每衛五千人取五之一千戶以下官領赴京驗試餘以次番試軍士步騎皆將領各以其能受賞否則軍士給錢六百爲道里費將領自指揮使以下所統軍士三分至六分不中者次第奪俸七分以上次第降官至爲軍止都指揮軍士四分以上不中奪俸一年六分以上罷職

先是浙江參將戚繼光以營教士開筭調士兵製爲飛陣破倭至是已官總兵種宗從給事中吳時來請命繼光練兵餉門前兵精整者數十年繼光嘗著練兵實紀以訓士一曰練伍首騎次步次車次輜重牛選伍次較藝總之以合營二曰練腦氣使明作止進退及上下統屬相友相助之義三曰練耳使明號令四曰練手足使熟技藝五曰練營陣詳布陣起行紮營及交鋒之正變終之以練將後多遵用之

古所謂礮皆以發機石元初得西域敵攻金蔡州城始用火然造法不傳後亦罕用至明成祖平交趾得神機礮法特置神機營專製用生熟赤銅相間其用礮者建礮梁爲最西礮次之大小不等大者發用車次及小者用藥用機用托大利於守小利於戰隨宜而用爲行軍要器

正統末邊備日亟備史楊善請鑄兩頭銅銃景泰元年越關侍郎江潮言真定藏都督平安火傘上用鐵槍頭環以鑄鉛置火藥筒三發之可潰敵馬應州民師鞠製銃有機頃刻三發及三百步外俱試驗之天順八年延毅參將房能言麓川破賊用九龍筒一練然則九節齊發請頒式各邊至嘉靖八年始從右都御史汪欽言造佛郎機礮謂之大將軍發諸邊鎮佛郎機者國名也正德末其國舶至廣東白沙巡檢何儒得其制以銅爲之長五六尺大者重千餘斤小者百五十斤巨腹長頸腹有修孔以子銃五枚貯藥貯腹中發及百餘丈最利水戰礮以蜈蚣船所吸輒旋碎二十五年總督軍務嚴嵩奏所造火器兵部試之冒三出連珠百出先鋒鐵棒雷飛俱便用母子火獸布地雷礮止可夜刻營御史張鐸亦進十眼銅礮大彈發及七百步小彈百步四眼鐵

槍彈四百步詔工部造萬曆中通判華光大奏其父所製神吳火器命下兵部其後大西洋船至復得巨礮曰紅夷長二丈餘重者至三千斤能洞裂石城震數十里天啟中錫以大將軍號遣官祀之崇禎時大學士徐光啟請令西洋人製造發各鎮然將帥多不得人城守不固有委而去之者及流寇犯闕三大營兵不戰而潰槍礮皆爲賊有反用以攻城城上亦發礮擊賊時中官已多異志皆空器貯藥取聲震而已明置兵仗局器二局分造火戰號將軍者自大至五又有奪門將軍大小二樣神機礮陽礮蓋口礮梳口礮旋風礮流星礮虎尾礮石榴礮龍虎礮毒火飛礮連珠佛郎機礮信礮神礮破裏礮十眼銅礮三出連珠礮百出先鋒礮鐵擲雷飛礮火獸布地雷礮梳口銅鐵銃手把銅鐵銃神銃斬馬銃一窩蜂神機箭銃大小佛郎機銅銃佛郎機鐵銃木龍銅銃筋鐵棒皮鐵銃無敵手銃烏嘴銃七眼銅銃千里銃四眼鐵槍各號雙頭鐵槍夾把鐵手槍快槍以及火車火傘九龍筒之屬凡數十種正德嘉靖間造最多又各邊自造自正統十四年四川始其他刀牌弓箭槍掃狼筈藥礮甲冑戰積在內有兵仗軍器鋪工鞍轡諸局屬內庫掌於中官在外有盛甲廠屬兵部掌以耶

實京省諸司衙所又俱有雜造局軍資器械名目繁夥不具載惟火器前代所少故特詳焉

中唐用車戰而東南利舟楫二者於兵事爲最要自騎兵起車制漸廢洪武五年造獨轅車北平山東輜山西河南八百輛永樂八年北征用武剛車三萬輛皆惟以供饋運至正統十二年始從總兵官朱冕用火車備戰自是百車戰者相繼十四年給事中李侃請以羸車千輛鐵索聯結騎卒處中每車翼以刀牌手五人賊

犯陣刀牌手擊之賊退則開索縱騎帝命造成祭而後用下車式於邊境用七馬獨甯夏多溝壑總兵官張泰
請用獨馬小車時以爲便箭工周四章言神機槍一發難繼請以車載槍二十箇六百車首置五槍架一人推
二人扶一人執鏃試可乃造景泰元年定章伯都登請倣古制爲偏箱車較長丈三尺闊九尺高七尺五寸箱
用薄板鑄出則左右相連前後相接鈎環牽互車載衣糧器械并鹿角二屯處十五步外設爲藩每車槍礮
月弩刀牌甲士共十人無事時每車二十人戰時每方五輛轉輸樵採皆在圖中又用四
輪車一列五色旗幟敵指揮起陣此可以守陣於攻戰命鑄的行關州守備李進誠造獨輪小車上施皮屋前
用木板鑿獸面鑿口置碗口銃四槍四神機箭十四樹旗一行為陣止爲營二平吏部郎中李賢請造戰車長
丈五尺高六尺四寸四圍箱板穴孔置銃上關小輪每車前後占地五步以千輛計四方可廿六里獨輪器械
輜重咸取給焉帝令亟行成化二年從郭登言製軍隊小車每隊六輛輜九人二人挽七人番代車前置牌畫
號首連望若城壘然八年甯都諸生何京上禦敵車式上施鐵網網穴發槍弩行則斂之五十車爲一隊用士
三百七十五人十二年左都御史李賓請造偏箱車與鹿角參用兵部尙書張忠請驗閱以登高涉險不便已
之十三年從甘肅總兵官王璽奏造雷火車中立樞軸旋轉發礮二十年宣大總督余子俊以車五百輛爲一
軍每輛卒十人車隙補以鹿角既成而遇重不可用時人謂之爲鴿軍宏治十五年陝西總制秦紱請用雙輪
車名曰金勝長丈四尺上下共六人可衝敵陣十六年間任知府范吉獻先鋒驛驛車嘉靖十一年南京給事

申王希文請倣郭固韓琦之制造車前銳後方上置七槍為櫓三層各置九牛轉輪傍以卒行戰甲兵止為
營陣下邊銳的行十五年總制劉天和復曾全勝車之便而稍為損益用四人推挽所載火器弓弩刀牌以百
五十斤為準箱前畫設現旁列虎盾以護騎士命從其制四十三年有司奏准京營教演兵車共四千輛每輛
步卒五人神槍夾靶槍各二自正統以來習車戰者如此然未嘗一當敵至隆慶中戚繼光守前門奏練兵車
七營以東西路副總兵及撫督標共四營分駐建昌遵化石匣密雲蔚遠總兵二營駐三屯昌平總兵一營駐
昌平每營重車百五十有大輻車加百步兵四千騎兵三千十二路二千里間車騎相無可禦敵數萬釋察建
之命給遺費然特以遇衝突施火器亦未嘗以暇也是後遼東巡撫沈學付請設戰車營倣舊之制上設佛
郎機二下重雷飛礮快槍六每車步卒二十五人高麗車輕略照廷勳請造雙輪戰車每車火礮二礮以十卒
皆持火槍天啟中直隸巡撫御史呂應昌進戶部主事曾應吉所製鐵輪車小街車等式以禦敵皆罕得其用
大約邊地險阻不利車戰

船之用則東南所宜舟之制江海各異於新江口設船四百承襲初命福建都司造海船百三十七又
命江楚兩省及鎮江諸府營造海船成化初鎮江衛楊榮奏舟國皆江舟也海舟以舟山之扁櫓為首福
船則風櫓目銀火櫓之十裝標號軟風若山亦利追逐廣東船殼果木為之親福船尤巨而堅其利用實二可
備耶機可禦火礮大福船亦然能容百人底尖上開首昂尾高柱棧三重帆桅二傍腰以板上設木女牆及

中爲四層最下實土石次應思所次左右六門中置水櫃揚帆炊鑪皆在是最上如露臺穴梯而登傍設
翼械可懸以發矢石火器皆備登可順風行海其駛驅船稍小則腰船能容三五十人頭銳四槳一櫓其行如
飛不拘風潮逆順船頭海賊以小若山船首尾皆關帆槳並用檀板船傍近後每傍五枝每枝五跳跳二
人以板開跳上以首於外凡跳上下三層下實土石上爲飛揚中懸其帆下旋皆在上層威繼光云倭舟
甚小一入臺灣大福海禁不能入必用荳船逐之衝敵便提過人謂之荳山銀也沙應二船相背成用沙船可
據戰然無翼飛應船頭船尾進退如飛傍釘大茅竹竹間懸可發銃箭雖內較外雖人以鎗藥先備此入賊隊
沙船隨進短兵接戰無不勝漁船至小每三人一執布帆一執槳一執弓噴銃噴波上下可掩賊不備網搜船
定海臨海象山俱有之形如梭竹桅布帆係客二三人過風濤船身入山麓可喻探賊船船形也龍無佛耶
機底尖面闊兩傍機數十行如飛兩頭船旋轉在舵因風四轉諸船無逾其速蓋由專靖以來東海日備備
故海舟之制特詳備云

明制馬之屬內廐者曰御馬監中官掌之牧於大壩蓋倣國體十有二閑意牧於官者爲太僕寺行太僕寺苑
馬寺及各軍衛門唐四十八監意牧於民者南則直隸應天等府北則直隸及山東河南等府卽宋保馬意其
曰備養馬者始於正統永樂馬給邊邊馬足而寄牧於畿甸者也官牧給邊鎮民牧給京軍皆有孳生駒官牧
之地曰草場或爲軍民佃種曰熟地歲徵租佐牧人市馬牧之人曰恩軍曰隊軍曰改編軍曰充營軍曰抽發

軍苑馬分三等上苑萬中七千下四千一夫牧馬十匹五十夫散隨長一人凡馬肥瘠登耗經其毛齒而時會
之三歲寺卿僧御史印烙鬻其羸劣以轉市邊衛營堡府州縣軍民壯騎換馬則寧於行寺卿邊用不足又以
茶易於番以貨市於邊其民牧皆視丁田授馬始曰戶馬既曰種馬按歲徵駒種馬死孳生不及數輒賠補此
其大凡也

以上敘邊

欽定明

國朝條不關人